



## Fîrozeyê Tûfegul

Fîrozeyê Tûfegul jinek cengawer a kurdên Xorasanê ye ku mil bi milê mêrên ji eşîra Celalî di çeperên şer de û li dijî dijmin şer dikir. Ew li pey bû ku bajarê Fîroze paş ve bigire û tola xwîna gelê xwe ku hatibû rijandin, werbigire... *Zehra Mohammadzadeh / R.2*



## Edebiyat û prestîj

Eger em bi şeweya navlêkirina Pascale Casanova bibêjin, di Komara Wêjeya Cîhanê de mesela prestîjê di çarçoveya endustriya çandî de bi awayekî gelemperî çareser bûye û kevir û kuçan cihên xwe girtine. Reytinga nivîskar, weşanxane... *Samî Hêzil / R.5*



## Dayê ma ez hov bûm?

Piştî forûmeke li Parka Cîhangîrê, em ji bo Medenî Yildirimê ku li Licê hatibû kuştin, bi kevnekuratorên bînalê û hunermendên tirk re mil bi mil meşiyabûn, ev çalakî di henga meşê de ji bi min xerîb hatibû, ez bi şik bûm, nediket bin kûmê min... *Şener Özmen / R.11*

Rojnameya  
Heftane

www.xwebun.org

# xwebûn

16-22 Adar 2020

Hejmar: 13

Buha: 4 TL

rojname@xwebun.org

## Sembol û sergovend

21'ê Adarê yanî cejna Newrozê sersala kurdan e. Ev cejn ji bo kurdan bi çend sedeman gelek girîng e û cejna kurdan a sereke ye. Li çar parçeyên Kurdistanê, li her bajarê Kurdistanê gelê kurd bi hezaran derdikevin qadan û bi hes-tên neteweyî, bi çoş Newrozê pîroz dikin. Jinên kurd agirê Newrozê geş dikin. Agirek wisa vexistine ku ne tenê li Kurdistanê li hemû cîhanê xuya dike... *Aysel Tabak / RÛPEL - 2*

## Di şer de qonaxêke nû

Şerê Cîhanê yê Sêyemîn bi hemû lez û beza xwe ve didome. Bêguman zilhêz, ango hêzên hegemonîk jî tê de hemû dewlet û hêz bi awayekî tev li vî şerî bûne. Xisleta vî şerî pir-reng e. Ango ne xwedî xisleteke 'reş-spî' ye. Di navberê de reng û dengên gewr jî hene. Bi gotineke dî tifaq, li-hevkirin, enî û hevpeyman rojane tînguhertin. Şer bûye şerê diplomasi, enformasyon, îstixbarat û teknîkê... *Mem Avba / RÛPEL - 7*

## Rûsya di kemînê de ye

Rûsya di halê heyî de niha li herêmê li gor peyman û sozên hatine dayîn emelên dewleta tirk dişopîne. Rûsya niha di kemînê de ye û li bendê ye ku tirk sozên ku dane pêk neynin. Ger sozên dane pêk neyên, wê demê dê dewletên rojavayî nikaribin Erdogan û Tirkîyeyê ji êrişên Rûsyayê biparizin. Lewma di hevdîtina li Moskovê de Rûsyayê bombeyek xistiye paşila Erdogan. Niha derdê... *Felemez Ulug - R.6*

# Vîrusê Newroz betal kir

Vîrusa koronayê ku li bajarê Wuhan ê Çînê derket holê li seranserê cîhanê berbelav dibe û her roj bi sedan kes dimirin. Têkildarî vîrusê agahiyên cuda tînguhertin û cara ewil rayedarên dewleta tirk ragihandin ku 5 kes bi vîrusa koronayê ketine. Li bakurê Kurdistanê ji ber vîrusê pîrozbahiyên girseyî yê Newrozê hatin betalkirin...

RÛPEL - 3




Wuhan kuxiya, hemû cîhan bi zekemê ket... *Ramazan Tûnc / R.6*

# Birîna hê jî xwîn jê tê; Helebçe

Bi qasî xak û dîrokeke bi berhem ewqasî ji bi êş û kul e Kurdistan. Bi qasî gelê ku leheng û mîrxas e, ewqasî bi birîn û keder e. Jina kurd çiqasî xweragir û bi qudret e, ewqasî li ser sînga wê ji sungî û mîxên xayîn û nemerdane tije birîn, hesret û keser e. Em xwedî dîrokeke qedîm û heqîqetêke wisan in, hema bêje tu rojek nîn e ku xwedî wate, pîrozî û êş nebe. Ji

bo vê ye ku dijminên gelê kurd ên xwînwar tim ji bo li xwîna kurdan bimijîn, bi devxwîn û çavsorî êriş dikin, qetil dikin û tune dikin. Em weke her salê îsal jî hatin wê rojê... Ew roj 16'ê Adara 1988'an Helebçe ango bi navê xwe yê din 'Enfal' e. Enfal dîrokeke ku tu carî wê neyê jibîrkirin û tim birînek be li ser bedena dayika me Kurdistanê... *Harûn Evîndar / R - 8*



## Ziman û ruhê wergerê

Me gahiyên xwe yê derheqê edebiyat, zanîn, teknîk û teorîyê de ji zimanekî din hildane. Em van agahiyên pêşî di hişê xwe de werdigerînin zimanê xwe û di heman demê de werdigerînin ser ruhê xwe jî... *RÛPEL - 11*

## ANTRPARANTEZ

Wendoxê erjayeyî yê rîpelê kirmanckî yê Xwebûnî merheba. Goreyê mi ra, nuştene seba ma mesuliyet o. Aye ra gama ke nê rojnameyî ra embazan mi reyde têkilî rona û waşt ke ez ge-ge bînusa, mi dest de qebl kerd. La seke mi înan ra zî va hetanî ke îmkân bîbo û wext estbo ez wazena aşme ra reyê nê goşeyî binusa. Eke şîma pers bikê û vajê "Baş o, ma ti do tede çî binusi?" Ez eşkena cewabê şîma wina bida: Çîyê/qewimîyayîşê ke kurdan... *Pêşar Bextewer - R.9*

## 'Strana bi dil hîs nekim ez ê nebêjim'

Min sozek daye xwe û guhdarên xwe; strana bi dil û giyan hîs nekim ez ê nebêjim. Muzîk bexçeyê giyanê min e û dixwazim wî bexçeyî her paqij bihêlim. Lewma bi hezkirinek mezin bi muzîkê re mijûl dibim. Kevirê heps û tîrba xwe wisa dixemilînim... *Hevpeyvîna Rizoyê Xerzî / R.4*







## Zextan bi kirasên zagonî rewa dikin

M. Alî Ertaş

Li cihên ronî her tişt aşkera ye. Her kes her tiştî dibîne. Tiştêkî veşarî tune ye. Her kes rastiya hev dibîne. Her tişt azad û pak e. Civakî û ehlaqî ye. Geşe û diçû-rise. Xweşik û bedew e. Wêrek e. Lê cihên tarî dijberî vê yekê ne. Gelek tişt nayên dîtîn. Çav rastiyan nabîne. Guh nabihîze. Dîfîn bêhna genî his nake. Kesên newêrek, hîlebaz, diz, virrek, genî, qirêj, ji roniyê direvin û xwe di bin perda tariyê de vedîşêrin. Ji bo serdestiya civakê, tariyê ji bo xwe dikin mertal. Li pişt mertalê tariyê serî li hemû fêlên genî û qirêj didin. Her tiştî berovajî dikin. Kî ronî bike, an wan dikîşînin nava tariyê, an ji wan dikin hedefa xwe. Rojnamegerên rastiyan ronî dikin ji rastî gef, tundi, binçavkirin, girtin û cezayan tên.

Karê rojnamegeran di esase xwe de ronîkirina civakê û ragihandina agahiyan e. Bûyer û geşedanên ji civakê tên veşartî, derxe holê û rastiyan di tariyê de nehêle. Civakê li dijî gef, metirsi, şaşî, kêmasî, talûkeyan bike xwedî agahî û ji rastiyan haydar bike. Kar û berpirsiyara rojnameger û çapemeniyê ew e ku bibe çav, guh, zimanê civakê. Bibe parêzvanê civakê. Ev pîvan û rêgezên esasi yên gerdûnî ne. Ger ku rojnameger û çapemenî li gorî van rêgez û pîvanan tev negerin, wê demê nikarin erka xwe pêk bînin. Ev sinc û pîvanekê gerdûnî ye.

Baş e, dema em li Tirkiyeyê dinêrin di qada çapemeniyê de wênayekî çawa derdikeve pêşberî me gelo? Werin em bi hev re li wênayê ji 1'ê adarê heta niha derketî holê binêrin. Ev wênayê heyt wê rastiya rola çapemeniyê û polîtîkayên hikûmetê ya ku bi zorê dixwaze her tiştî têxe kontrola xwe raberî me bike. Dema em li geşedanên civakî û siyasî dinêrin, bi aşkerayî hin geşedan pêş dikevin. Rewşa qeyrana aborî, betalî, xizanî, şer, koçberî, tenduristî û azadiya ramanê li ber çavan e. Lê yên vê rastiye bi deng tînin ziman û parve dikin dibin hedef. Zext, astengî û êrişên li ser çapemeniyê bi fîstan û kirasên zagonî yên hikûmetê rewa dikin. Yên kêmasiya serokomar, wezîr û rayedarên hikûmetê tînin ziman, dibin hedef.

Em li rojên dawî yên Tirkiyeyê dinêrin; meha adarê bi binçavkirin û girtina rojnamegeran dest pê kir. Di nav 9 rojên ewil ên adarê de 9 rojnameger hatin girtin. Yek li ser îtîrazê serbest hat berdan. Niha li Tirkiyeyê 118 rojnameger girtî ne. Ji destpêka adarê heta niha 3 rojnamegerên ku rastî nivîsandin û parve kirin, hatin cezakirin. 9 rojnamegerên ku ketin pey şopa rastiyan û bi raya giştî re parve kirin hatin girtin. 12 rojnameger jî hatin darizandin. Yên rastiya penaberan a ser sînor ronî kirin hatin binçavkirin û girtin. Yên rastiya MÎT'ê ronî kirin hatin girtin.

Ev tenê aliyê wênayê ku xuya dike. Ji xeynî vê yekê malperên ajansan hatin astengkirin, rojnameger rastî êrişan hatin. Gef li rojnamegeran hatin xwarin. Lê dîsa ser rastiyan nehat girtin. Dîsa rastiya ku eskerên Tirkiyeyê li Idlibê bûn hedefa arteşa Sûriyê û Rûsyayê nehat veşartin. Rastiya penaberên li ser sînorê navbera Tirkiye û Yewnanistanê nehat veşartin. Serokdewletê Rûsyayê Vladîmîr Pûtîn di 5'ê adarê de serokomar û wezîrên wî pêşwazî nekirin û 2 deqîqeyan li ber derî li salonê da rawestandî. Hemû cihan bû şahidê vê rastiye û rûmet û diplomasîya Tirkiyeyê xist bin axê.

Ev nişan dide ku bi girtinê tu carî rastî di tariyê de namîne.

# Vîrus ji ber polîtîkayên şaş belav dibe

Bijîjk Veysî Ulgen, têkildarî vîrusa koronayê diyar kir ku ji ber polîtîkayên şaş ên tenduristiyê berbelav dibe û got ku polîtîkaya tenduristiyê li şûna parastina civakê ji bo bazirganiyê ye

Aryan Med

Vîrusa koronayê ku li Çînê peyda bû, li gorî daneyên dawîn li seranserê cihanê zêdetirî 120 welatan berbelav bûye. Li tevahiya welatan zêdetirî 130 hezar kes bi vîrusê ketine û nêzî 5 hezar kes jî mirine. Li gel ku vîrus bûye sedema mirina bi hezaran kesî jî ne pêşî lê tê girtin û ne jî çare jê re tê dîtîn.

Ji ber belavbûna wê ya li gelek welatan, Rêxistina Tenduristiyê ya Cihanê (WHO) vîrusa koronayê (Kovid-19) weke nexweşiyêke pandemî ragihand. Pandemî nexweşiyê li tevahiya cihanê yan jî li herêmekê belav dibin, pênase dike. WHO'yê ragihand ku kesên bi vîrusê nexweşiyê dikevin % 81 sivik, % 14 cidî û % 5 jî bi giranî derbas dikin û heta niha nêzî jî % 2 yên bi vîrusê ketine jî mirine.

### Her diçe hejmar zêde dibe

Li gorî daneyên dawî heta niha welatên vîrus herî zêde li wan belav bûye û gelek kes pê mirine, bi rêzê wiha ne: Çîn, Îtalya, Îran, Koreya Başûr, Îspanya, Fransa, Almanya û Amerîka ye. Hejmara kesên bi vîrusê dikevin û pê dimirin jî her diçe zêde dibe. Îtalya bi tevahî, li Îspanyayê çar herêm di bin karantînayê de ne. Li Amerîkayê çûnûhatina ji bo welatên Ewropayê hat betalkirin û hat ragihandî dibe ku li Amerîkayê jî 70 milyon heta 150 milyon kes bi vîrusê bikevin.

Li welatên vîrus belav dibe, ji bo parastina ji vîrusê tedbîrên wergirtin. Li hemû welatên ku vîrus li wan hatiye dîtîn; dibistan ketin betlaneyê, çalakîyên girseyî hatin betalkirin, çûnûhatin hatin sekinandin û hwd. Ji ber vîrusê û bergiriyên tînin wegirtin, derbeyê mezî li aboriya Cihanê dikeve.

### Derbasî Tirkiyeyê jî bû

Vîrus, piştî ku li welatên cîranên mîna Îran, Bulgaristan, Yew-

nanistan, Iraq, Sûriyê û Ermenistanê derket, derbasî Tirkiyeyê jî bû. Li gorî daneyên fermî li Tirkiyeyê bi 5 kes re vîrusa koronayê hatiye tespîtkirin.

Ji bo testa vîrusê li seranserê Tirkiye û bakurê Kurdistanê tenê 26 nexweşxane weke navend hatin diyarkirin. Wezareta tenduristiyê da zanîn ku ji 26 nexweşxaneyan 10 ji wan li 4 bajarên e û 16 nexweşxaneyên din jî li bajarên cuda ne. Li gorî listeya daxuyaniya wezaretê, ji van nexweşxaneyan 4 li Stenbolê, 2 li Enqereyê, 2 li İzmirê û 2'yên din jî li Bursayê ne. Di nav nexweşxaneyên wezaretê ragihandine de, Nexweşxaneya Perwerde û Lêkolînê ya Gazî Yaşargil a Amedê jî heye.

### Çalakîyên komî betal bûn

Demekê dirêj rayedarên hîkûmetê hebûna vîrusê ya li Tirkiyeyê înkâr kir. Piştî bi fermî ragihandina hebûna vîrusê, tê gumankirin ku heta niha gelek kes pê ketibin. Hefteya borî bi lez û bez ji bo bergiriyê hin biryar hatin dayîn. Ji ber vîrusê, zanîngeh jî di nav de hemû dibistan jî bo 3 hefteyan hatin girtin û biryara perwerdeya ji derve ve hat dayîn.

Gelek wezaretên dewletê destûra xebatkarên betal kir û her hiwa listikên werzîşê jî bê temaşevan bîn listin. Ji bilî vîrusê hemû çalakîyên komî û serdanên derveyî welatan ên rayedarên dewletê hatin betalkirin. Pêşniyar li welatiyan hat kirin ku serdanên xwe yên derveyî welat taloq bikin.

### Vîrusê Newroz jî betal kir

Vîrusê bandora xwe li pîroz-bahiyên Newroza îsal jî kir. Ji ber vîrusê li gel ku amadekariyên wê hatibûn kirin û starta wê jî hatibû dayîn, hemû pîrozbahiyên Newrozê yên girseyî li bakurê Kurdistanê û Tirkiyeyê betal bûn. Heke Newroz nehatina betalkirin dê bi pêşengiya Xebata Tifaqa Kurdistanî ku gelek partiyên siyasî û pêkxate di nav de ne, bihatana pî-



rozkirin. Ji bo ku vîrus nebe sedema encamên giran, tifaqê ragihand ku wan piştî guftûgoyên berfireh biryar daye ku hemû pîrozbahiyên giresyî yên Newrozê betal bikin.

### Armanca qezenckirina pere ye

Me vîrusa koronayê ku bûye sedema encamên ewqas giran, bi endamê Odeya Tabîban a Amedê (DTO) bijîşk Veysî Ulgen re nixand. Ulgen, têkildarî vîrusê nêrîn û pêşniyarên xwe bi me re parve kirin. Ulgen, diyar kir ku ji ber vîrus di demekê pir kurt de mutasyonê derbas dike, parastina ji wê li gorî bakteriyayî zortir e û lewma jî heta niha parzan (aşî) jê re nehatiye çêkirin.

Ulgen, anî ziman ku yek ji sedemên belavbûna vîrusa koronayê polîtîkayên tenduristiyê yên şaş in û wiha got: "Polîtîkaya tenduristiyê ne ji bo parastina civakê ye. Armanca pergalê qezenckirina pere ye. Sedema belavbûna vîrusê jî ev pergal e. Ji bo dewletên kapitalîst tenduristî bazirganî ye û ji ber vîrusê jî metirsi li ser tenduristîya civakê heye."

### Parastina ji vîrusê

Ji bo aşkerakirina nexweşên vîrusê ya rayedarên dewletê jî Ulgen,

destnîşan kir ku hejmara nexweşên ji vîrusê jî hejmara hatiye ragihandî pir zêdetir e û ev tişt anî ziman: "Dewlet heya jê tê nexweşiyên wiha vedîşêre. Di tibê de tiştêkî wiha heye; tu dema di mala xwe de kêzîkê bibîni bawer bike ku di mala te de gelek kêzîk hene. Gelek kesên nexweş naçin nexweşxaneyê. Ne tenê înkara dewletê, gel jî qels e. Gel jî çend sal in parastina xwe baş nake. Jixwe armanca me odayên bijîşkan perwerdekirina gel û hişyarkirin e."

BijîşkUlgen jî bo parastina ji vîrusa koronayê jî çend pêşniyarên girîng û bingehîn kirin;

- ✓ Hev hambêz nekin, bi destên hev negirin.
- ✓ Dest û rûyê xwe baş bişon û dikaribin her roj serê xwe bişon
- ✓ Nekevin stresê lê kontrolên xwe yên tenduristiyê bi rêk û pêk bikin.
- ✓ Nişaneyên nexweşiyê hebin tavilê biçin nexweşxaneyê.
- ✓ Çalakîyên girseyî betal an jî taloq bikin.
- ✓ Divê her kes bi berpirsiyar tevbigere.
- ✓ Bi taybetî divê alîkariya kesên xizan, kal û pîr, nexweşên bi nexweşiyên kronîk (şeker, kezeb, dil, penceşêr, tansiyon), zarok û ducaniyan bê kirin.





## HUNER CARNAN LÊGERÎNA HEQÎQETÊ YE Û CARNAN JÎ REVA JI HEQÎQETÊ YE

# Muzîk dikare ji janê bedewiyê derxîne

→ Rizoyê Xerzî

Di demên dawî de hin hunermendên kurd hene hemû jiyana wan bi tirkî ye lê sehna wan bi kurdî ye. Li gorî min, ev nakokiyê mezîn e. Dema peyv min di warê giyanî de di rê de dihêlê gazî muzîkê dikim û dema gotinê bê fêde dibe, muzîk rêyê gelek rind a derbirînê ye

### Mem Ararat kî ye?



Mem Ararat, di sala 1981'î de li Dêrika Mêrdînê hatiye dinyayê. Di sala 1989'an de malbata wî jî ber pirsgirê aborî neçar maye ku koçber bibe. Sala 1991'î li gundê xwe vejeriyane lê di sala 1994'an de jî ber sedemên siyasî dîsa neçarî koçberiyê bûne. Ji sala 2000'î şûnde di platformên cuda de dest bi pêşkêşkirina deng û muzîka xwe kiriye. Heta niha albumên bi navê Quling Ewr û Baran û Kurdîka, Xewna Bajarekî, Niştîman û xebatek (single) ya bi navê "Pivok" pêşkêşî hezkiriyên muzîka kurdî kirine.

*Mêvanê me yê vê hejmarê hunermendê dengxweş Mem Ararat e. Kerem bikin em bi hev re bala xwe bidin pirsan û bersivên wî.*

**Muzîk ji bo Mem Ararat tê çî wateyê û bandoreke çawa li ser civakê dike?**

Ez vê tim dibêjim : min muzîk hilnebijart. Yanî cara pêşîn muzîkê ez hilbijartim. Lewra ew her bi min re bû. Piştê dema min mafê hilbijartinê bi dest xist min jî muzîk hilbijart.

Mafê hilbijartinê ev demeke dirêj e bi taybetî li Rojhilata Navîn ji şeşsan hatiye dizîn. Lewra tu di nav çand, ol, civate, malbatekê û hwd. têyî dinyayê. Tu di nav qaideyên gelek hişk de têyî dinê. Gelek tişt hene ji hêla erdnigariyê ve, weke mîrate li ser te dimînin. Heta di warê hişmendî de tu xwe ji bandora neyînî ya vê mîrateyê xelas nekî tu li mafê xwe yê hilbijartinê jî hay nabî. Dema tu li mafê xwe hay nabî, tu nikarî daxwazî jî bikî. Mînak: heta min tembûrek stand ez neçar mam li hember bavê xwe şer bikim, lewma li gorî hin baweriyên di civaka kurd de, tembûrjenî û stranbêjî ne li gorî kesên xwedî eşîr in û mixabin stranbêjî û tembûrjenî kêmtir dihat dîtin. Ev nêrîn êdî di nav civata kurd de jî qels bûye, lê hê jî li hin deveran bi bandor e.

Muzîk ji bo Mem Ararat serhildana li hember hin mîrateyên çewt e, deriyê azadiyê ye. Muzîk li xwe û mafê xwe haybûn û bi îsra daxwazkirina mafê xwe ye. Muzîk daxwaza jiynêk bi serbilindî û bêmînetî ye. Her wiha muzîk dema gotinê bê fêde dibe, rêyek gelek rind a derbirînê ye. Muzîk di nav beşên hunerê de ya herî zû di nav civatê de berbelav dibe. Kesekî bi zimanê te nizanibe jî tu dikarî bi rêya muzîkê pê re têkilî deynî. Li gorî min rojekê kesên derdunayî dema werin serdana vê gêrsterka me ya ku êdî jî ber kiryarên me mirovan westiyayî ye, pêkan e em weke mirov bi wan bûneweran re bi rêya muzîkê têkilî deynin. Deng, madeya xam a muzîkê ye û em bi rêya dengê li vê wendahiye li bedewî û wateyê digerin. Em hewl didin kêmasiyên xwe temam bikin û zaroکا/ê di dilê xwe de aş bikin. Muzîk bi rêya deng hewldana danûstandinê ye jî... Deng bi wateya xwe ya esasî jî tiştêkî gerdûnî ye, lewma beşek ji rasteqîniya fizîkê ye.

**Êzingê agirê dilê hunermend şahî, êş û jan û bandora ji bûyerên derdorê ye, li ba Mem Ararat ev pêvajoyê bi berhemê çawa taceser dibe?**

Dem a peyv min di warê giyanî de di rê de dihêlê gazî muzîkê dikim. Ew rêhevalek rind e.

Êş û nakokiyên te dema diazire, divê haya te jî te hebe, lewma tu ne baldar bî, ew azirî dikare te noqav bike li nav deryaya reşî û nefretê. Dibe ku tenê huner karibe ji janê bedewiyê derixe. Ji bo min pêdiviya hunerê di gava yekemîn de lêgerîna çareserîya muşkuleyên navxweyî ye. Lê çareseriyek mayînde li vê gerdûna ji kaos û nakokiyên afirîye ne pêkan e. Lewma huner û muzîk tu carî çareseriyek mayînde diyarî mirov nake. Rast e, gelek pirsgirêkan çareser dibe, lê çareseriyên wê bi serê xwe pirsgirêkan nû



ne. Helbet ez vê rewşa bi awayekî neyînî nanirxînim. Lewma konfor baskê mirov xam dibe. Eger pirsên te yên xedar hebin û eger navbera te û sînoran ne xweş be, jixwe jiyanekê sekinende ew ê nikaribe te aş bike. Ya rast ez hemû stranên xwe jî bo xwe dinivîsim û dibêjim, lê ji xwe tenê re hilnayim. Lewma koça tev li êlê carna dibe seyran, carna jî dibe qeyran. Xwedî dizane mirovahî bêtî herduyan jî nikare bijî.

**Tu kengî ji dilê distrî û çî te ji stranê sar dîke?**

Min sozek daye xwe û guhdarên xwe; strana ku bi dil û giyan hîs nekim ez ê nebêjim.

Ji hemû mijûlahiyên min weke kar girtiyê dest, rojek hatiye min jê nefret kiriye. Lewma di kar de mecburiyê heye. Naxwazim xwe mecbûr hîs bikim di muzîkê de. Muzîk bexçeyê giyanê min e û dixwazim wî bexçeyî her paqijî bihêlim. Bi hêvî me qet mecbûr nebim. Lewma bi hezkirînek mezîniyê bi muzîkê re mijûl dibim. Kevirê heps û tirba xwe wisa dixemilînim.

**Stranên kurdî yên folklorî bûne wekî malê talanê. Hinek stranbêj li gorî dilê xwe wan stranên bi kar tînin û ji reseniya wan dâr dixînin. Tu ji bo vê yekê dikarî çî dibêji?**

Deriyê xwe qet jî tiştên nû re nagirim, lê çî dibe bila bibe dema stranbêjî stranek xwend, divê teqez çavkanî nişan bide. Dema stran a kesekî/e din be, divê bêdestûr qet nebêje. Lewra ev dibe destdirêjî û destdirêjî bêrêzî û bêedebiyek mezîn e. Ev şerm e. Li gorî min mirovên jî ber xwe fedî dikin tiştên wisa nakin. Helbet dibe ku stranbêj dema stranekê diafirîne di bin bandora hin stran û stranbêjên din de bimîne. Heta deverekekê şibandin dikare were famkirin lê kopîkirin şermeke mezîn e. Li gorî min mirovên bîaqil tiştêkî ku ne heqê wan be qet destê xwe dirêj nakin. Lewma tiştêkî te heq nekirîbe û te wergirtibe piştî demê ew dibe qeyd û dikeve lingê te, dibe jahr û dikeve nav ruhê te. Kesên ruhê wan azad be û jî azadiya xwe hez bikin bawer im ew ê vê yekê nekî. Dema mirov jî darekê fêkiyek jêkir û xwar, divê hinek av bide, der û dora wê tevir bike. Qet nebe divê jê re rêzê bigire. Esîlbûn ma ne ew e?

**Bi ya te zor û zehmetiyên li pêşiya hunermendên kurd çî ne?**

Huner carna lêgerîna heqîqetê ye û

carna jî reva jî heqîqetê. Mijûlahiya bi hunerê re mijûlahiya bi nakokiyên re ye herwiha. Jixwe tu û xwe ji aş û baş ve serê hev diêşînin. Lê hunermendên kurd jî bilî vê yekê neçar in li hember kiryarên politikayên serdestan, yanî çand û ziman û çerxeyên serdest jî têbikoşin. Ev tekoşin dikare gelek xedar bibe car çaran. Wekî heps, kuştin, zext, lînç, birçibûn û hwd.

Herwiha, zimanê kurdî di qutiyekê de asê bûye. Mixabin bi awayekî sistematîk jî jiyana rojane hatiye dîrxistin. Dibe ku kurdî qada herî zêde lê azad e dîsa jî muzîk be, lê ji ber ku politikayên bişafîtinê li ser kurdî didomin, di gelek waran de dibe astengî û li her kesên ku hunera xwe bi kurdî dikin vedigere. Mixabin asêbûna kurdî ya di qutiyê de hinekî ji sersariya saziyên kurdan e jî...

Kurdî divê bûbûya zimanê bazarê jî. Dema te zimanek jî bazarê û debarê qut kir, êdî ew ziman nikare bi rehetî bêhna xwe vede. Ziman tiştêkî zindî ye û li gorî pêşketin û guhertinan xwe jî nû ve saz dibe. Dema ziman jî bazarê qut bû jî zikakê jî qut dibe. Zimanê di nav malê de asê bibe nikare li zikakê olan bide, êdî li cihê xwe dimîne û tişta ku li cihê xwe bimîne jî paşve diçe. Lewma dem her diherike û li benda kesî namîne. Me kurdan zimanê kurdî kiriye mîna nivîstêkê û dardê kiriye. Herî zêde pîroz dikin û êdî emeliyê pê nakin. Lê wekî rahmetiyê Nietzsche jî gotiye, "Lan-etkirin jî cureyekî pîrozkirinê ye."

Divê em vî zimanî jî nav wan nivîştan û qutiyên derbixin û têxin nav laş û ruhê xwe. Ziman bi axaftinê kevî û gemarî nabe. Ew heta avek herikbar be ew ê her xwe nû bike û ew ê bi hêztir û bedewtir bibe.

Weke rexne an jî gazin dikarim ji bo hin hunermendên ku hunera xwe bir kurdî dikin jî çend gotinan bêjim: Di van demên dawî de hin hunermendên kurd hene hemû jiyana wan bi tirkî ye lê sehneya wan bi kurdî ye. Ev nakokiyê mezîn e li gorî min. Helbet mafê her kesî heye bi xwe hilbijartinê xwe bikin. Lê belê mirov nikare vê yekê di vê çerçoveyê de binirxîne. Lewma kurdiya tenê li ser dikê mayî, dereceya dilgermiya hunermend jî dide xuyakirin. Her wiha ew hunermend carna bi hemd, carna jî bê hemd dibe parçeyekî otoaşimilasyonê.

Di kurdî de divê em kurd bi îsra bin. Bi gelemperî jî tûnbûnê qet hez nakim lê di vê mijarê de tûnbûnê iro helweste gelekî rast e.

**Zimannasên kurd dibêjin dengbêjyê nehiştiye ku zimanê kurdî bihele, folklori kurdî wenda bibe. Li gorî te rol û rîşteke muzîka kurdî ya li hemberî asimilasyonê heye ku pêşiya asimilasyonê bigire?**

Pişaftina herî bi bandor otobîşafîn, yanî otoaşimilasyon e. Li gorî min konetiya serdestan ya herî bi bandor û xedar jî ev e. Rast e, dengbêj bi saya kilaman gelekî bûne bendav li hember vê tofanê. Lê mixabin îro camêran ew virus xistine nav ruhê me û em xwe-bixwe xwe asimile dikin. Xerabiya serdestan a herî xedar jî dibe ku ev be. Lewma te bi destên te dikuje. Tu bêtî hemdê xwe, xwe dikujî. Li gorî min divê kurd jî xewnên romantîk hişyar bibin. Divê hişmendî were guhertin. Ev demê dirêje kurd her sal bi awayekî gelekî hişk dişikên. Ji kurdan re serkeftinek lazim e. Hişmendiya neteweyî encax bi serkeftinekê re dikare were awakirin. Di warê hunerê de, di warê zanistê û hwd... Helbet muzîka bi kurdî hêzê dide zimanê kurdî lê ew yek tenê ne bes e. Ev ziman divê derkeve kolan û bazarê...

**Di hin stranên xwe de tu ne pergala dengê muzîka kurdî distirê, pergala ewropî ango tamprement bikar tîni, sedema vê yekê çî ye?**

Li gorî fikra min divê mirov guhê xwe bide çar hêlên cihanê û dema pêkan bû divê mirov guhê xwe bide gerdûnê jî. Helbet em amûrên rojavayî jî bi kar tînin lewma guhertin û nûbûn hewce ye. Ez vê yekê bi awayekî formatîf nakim lê belê li cihana xwe ya hundirîn dinêrim û guhdar dikim û hemû dengên li wir olan didin derdixim holê. Ji xwe ez xwe weke kedkarê hestan dibînim. Ma ne aqilê mirove li ber deriyê dilê wî/ê xulam? Dema li ser stranekê dixebitim tu carî di qaideyê weke şeweya ewropî an jî rojhilatî de xwe asê nakim. Çî jî dilê min û hişê min bê û min qanih bike ew e. Lewma weke li jorê jî min got cara pêşîn ji bo xwe dibêjim û paşê jî bi guhdaran re parve dikim. Helbet weke muzîkjen stran û stranbêjen ez didicibînim bandorekê li ser min dihêlin. Ev yek tiştêkî gelekî asayî ye. Jixwe cihana mirov a hundirîn bi destên ecibandin û neecibandinên mirov saz nabe ma? Lê belê şerê min ê herî mezîniyê bi min re ye.

**Balkêş e ku tu di muzîka xwe de ji hawê (meqamê) kurdî bêtir yên rojavayî bi kar tîni, sedemeke vê ya taybet heye gelo?**

Di warê meqaman de muzîka rojhilatî gelekî jî ya rojavayî dewlemendtir e. Meqamên bi piranî ez bi kar tînim jixwe di muzîka kurdî û bi gelemperî di ya Rojhilata Navîn de jî hene. Lê weke uslûb dibe ku bandora ewropîyan li ser me hebe. Camêran di warê çandî de bandora xwe li tevahî cihanê kiriye. Lê li gorî min mirov nikare ji muzîka min re bêje rojavayî. Di warê teknikê de dibe ku em rêbazên ewropî bi kar binin. Lê hest her rojhilatî ye, kurd e. Mem Ararat bêguman kurd e. Lê hewl dide xwe nû bike. Hewl dide jî pirsên xwe re bersivan bibîne, hewl dide xwe dubare neke.







Aborî û Civak  
Ramazan Tunç  
ramazan.tunc@live.com

# Wuhan kuxiya, hemû cîhan bi zekemê ket



Piyaseya navneteweyî ya aborî û finansê di van rojan de ji ber nexweşî an jî vîrusa koronayê ya ku wek Covid-19 hatiye binavkirin gelek bi tirs û xof, qurifiye û di nav panikeke mezin de ye. Ji Mûsa pêxember heta niha wek di pirtûkên pîroz û belgeyên nivîskî de ji tê gotin, têsîra nexweşî û qurfê ya li ser desthildaran û her wisa li ser amûrên hilberîne gelekî zêde ye. Di dema desthildariya firew-nên Mîsrê de Mûsa pêxember bi pêşbînî dibîne ku dê nexweşînek li bajarên wan derkeve, bîyarê dide ku hemû kesên ku li ser şopa wî ne hişyar bike û alîgirên xwe diparêze. Lê nexweşî di bajarên de belav dibe û aboriya welatîyan tîk diçe. Aja-lên malan telef dibin û qeyra-neke civakî û aborî dest pê dike. Di dawiyê de ji ber ku desthil-dar çareseriyê ji bo belavbûna nexweşiyê nabinin, desthilda-riya xwe wenda dikin.

Panik (rush) her tim li ser bîyarên aborî û finansê û her wisa li ser borsayê (guhertîng-geh) bandorên gelek mezin dikin. Her çîgas gotinên wek hêvî, tirs, qurf (panîk) ji bo mi-rovên tîk bikaranîn jî ev gotin di nav pergala aborî û finansê de ji ciyekî gelekî girîng digirin. Piyase li gor birêvebirina hêvi-yan tevdiqere. Herge ji bo pêş-rojê hêvî xurt bin, bawerîya bi piyaseyê zêde dibe û gel dix-waze zihakariyê bike, hilberîner ji dixwazîna rêjeya hilberîne zêde bikin da ku daxwaza piyaseyê pêk bînin.

Di piyaseyê de bawerî û hêvî ji bo senedên parê û endeksên guhertîngê ji gelek girîng in. Ji bo hemû sektoran û şîrikati-yên ku di nav pergala finansîna navneteweyî de cî digirin en-deks hene. Di van endeksan de dan û standîna senedên parê pêk tê. Aborînas Harry Marko-witz di xebatên xwe yê der barê piyaseya serbest de li ser têsîra bîyardayîna ji bo sene-dên parê dibêje, ku pêwîstî bi piyaseya bandêr heye, di vî pi-yaseya bandêr de her kes li gora dîtanciya hêviyên rastîn tevdi-gere.

Di hîpoteza piyaseya bandêr de endeks ji li gora daxwazên ji bo senedên parê dadîkevin û bilind dibin.

Di van demên dawîn de ka-dîbûnê (globalîzm) piyaseya bandêr xistiye yek torbeyî. Yek ji qeyranên aborî yê herî mezin ên cîhanê ya ku di sala 1929'an de li Amerîka û Îngilis-tanê dest pê kir. Piyaseya ser-best gelek qeyran û rojên bi panîk derbas kirin. Ji ber vî a niha endeksa tîrsê ya ku bi navê VIX tê binavkirin, ji bo pêş-dî-tîna qeyran û qurfî piyaseyan tê bikaranîn. Di demên panîk-qurfê de guherbarî (volatility) zêde dibe. Niha endeksa guhêr-bariyê li gora 10 salên dawîn derketiye asta herî jorîn. Se-demâ derketîna vî astê bi piranî qurîfîna ji vîrusa Coronayê ye. Piyase ji ber vîrusê qurifiye û hemû welatên ku hilberîneke



zêde ji bo piyaseya nevwetewî dikin, fabrika dane sekinandin. Komara Gel a Çînê ku bazirga-niyê bi hemû cîhanê re dike a niha ji ber Covid-19'ê li gelek deveran fabrika dane sekinan-din. Ne tenê Çînê, li Îtalyayê, Îranê, Iraqê û li gelek welatan ev vîrus belav dibe û jiyane dide sekinandin. Ji ber ku jiyane disekinîne, bi piranî sektora tu-rîzmê, hilberîna rasterast û sek-torên wek enerjîyê yê nerasterast ji di bin tesîr û gu-mana vî qurfî piyaseyê de di-minin. Lewra a niha rewşa senedên parê yê şîrikatiyên ku di sektorên enerjî, derman û tu-rîzmê de ne xerab e û di endek-san de dadîkevin. Ji ber ku hilberîn kêm dibe, daxwaza ji bo enerjîyê jî kêm dibe. Lewra di pergala navnetewî de, di carekê de rêjeya buhayê petrolê %30'î zêdetir daket. Piştî qeyrana pet-rolê ya salên 1970'yî ev daketin, daketîna herî zêde ye. Têsîra daketîna senedan li hemû pergala belav dibe. Hin hikûmet ji ber belavbûna vî te-sîrê gelekî tengasiyê dikîşînin, ji ber ku pergala navnetewî ya fi-nans û guherkariyê bi hev ve grêdayî ye. Di vî tevliheviya ku ji ber Covid-19'ê derketiye kesên zihakar naxwazî ji mala xwe derkevin û ev jî daxwaza ji bo mal û xizmetan kêm dike. Li Sûka Stenbolê ya Sergirtî bi

tenê rêjeya muştêriyan ji sedî 60 daketîye. Ez bawer im ku di pi-yaseya bandêr de wek ku Mar-kowitz aniye ziman ew ê tîketîna malan jî û hilberîn jî kêm bibe. Di nav zihakaran de qurf heye. Ev qurf roj bi roj belav dibe û piyaseyê dixê ten-gasî û qîrîzê, ku ev tengasî li hemû sektor û deveran bandor dike, fabrika tîk girtin, bêkarî zêde dibe, betlaneyên dibista-nan dest pê dikin û di nav vî panîkê de jiyane disekine.

Ji ber ku piyaseya Manhattanê ya guhertîngêha New Yorka Amerîkayê navendeke ji bo dan û standîna senedên parê ya bi dehan salan e, kesên ku di vî gu-hertîngê de cî digirtin digotin "Erge Manhattan bikuxe, ew ê cîhan bi zekemê bikeve." A niha jî li Çînê Wuhan kuxiya û hemû cîhan bi zekemê ketiye. Ev bandor wek bandora nexweşiya dema Mûsa Pêxember de desthildariyan bixê tengaviyê yan na, wê west nişan bide. Lê wisa aşkera ye ku li Tîrkiyeyê qeyran zêde dibin û gel, karsaz û zihakar dibêjin "Sal bi sal xwezî bi par."

**Ferhenga Aboriyê**  
**Endeksa Tîrsê-VIX (En-deksa Guhêrbar) (Fear Index-VIX):** Endeksa guhêr-bariyê ye ku tîrsa piyaseyê nişan dide. Ev endeks di demên qey-ran û qurfê de bilind dibe û di

demên bihêvî de ji dadîkeve. Wek nişaneke ye.

**Guhartîngêh (Borsa-Exc-hange):** Menzel an jî ciyê ku dan û standîna mal û xizmetan lê pêk tê. Guhartîngêh ji bo mal û xizmetan jî dibe û ji bo senedên parê jî dibe. Di piya-seya finansê de bi piranî ji bo borsayên ku sened tê de tîk standîna fîrotin, tê bikaranîn.

**Dîtanciya Hêviyên Rastîn (Rational Expectation The-ory):** Li gor teoriya aboriya makroyê kes li gor sê prensîban tevdiqerin. Yek; ji bo ku berje-wendiyan xwe zêde bikin li gor hêviya xwe, du; li gor agahiyên ku li piyaseyê hene; sê li gor tecrûbeyên xwe yê berê.

**Teoriya Daxwazê (De-mand Theory):** Xwestina ji bo mal û xizmetan, ku zihaka-rên piyaseyê bi nîrxê pere dikar-in piştigirîyê bidin. Teoriya Daxwazê dibêje; wexta ku ji bo mal û xizmetan daxwaz zêde be buhayê wan zêde dibe, erge daxwaz kêm be jî buha dadî-keve.

**Gotînek ji gotinên pêşi-yên me:**

Sal bi sal xwezî bi par: Ji bo rewş û tiştên ku gav bi gav ber bi xerabiyê ve diçin tê bikara-nîn. Wexta ku hêvî kêm dibe roj bi roj kes xwezîya xwe bi rojên derbasbûyî tînin.

## Xweşkanî



Felemez Ulug

# Rûsya di kemînê de ye

Di bin navê şerê li dijî DAİŞ'ê de gelek welatên cuda xwestin di siyaseta herêmê de bibin xwedî gotin û di van planên jinûvavakirina herêmê de cihê xwe bi awa-yekî aktîf bigirin.

Dewleta tîrk jî yek ji van dewletan e. Lê di pratîka di van çend salên dawî de derket holê ku dewleta tîrk bi emelê xwe ve jî avakirin û çêkirinê zedetir di herêmê de xirabî daye avakirin. Bi taybetî li herêma Idlibê û bi dagirkeriya Efrînê ve, dewleta tîrk bi hevka-riya komên çete xwest ku li herêmê li dijî planên jinûvavakirine derkeve û di ya xwe de israr bike. Heya radeyekê gelek hêzên navdewletî li dijî vî polîtîkaya dewleta tîrk bédeng û bêhelwest man.

Dewleta tîrk di vî pêvajoyê de xwest ku bandora xwe ya li ser komên çete û avantajî xwe ya erdnîgariyê wek amûrekê gefê li ser siyaseta herêmê bi kar bîne. Di vî mijarê de Ewropa bi penaberan ve, Amerîka û NATO bi hevkarîya Rûsya ve, Rûsya û rejîm jî bi êrişên komên çete yê li ser herêmên di bin kotrola rejîmê de ne, her tim tehdîd kir. Yanî vî her tim di siyaseta herêmê de wek kozekê şantajê bi kar anî. Lê di roja me ya îroyîn de hevşengî û siyaseta herêmê hatine guhertin. Ji ber vî yekê jî edî şantajên dewleta tîrk li ser hêzên navneteweyî mîna berê ne bi bandor in. Mînakê vî ya herî berbiçav jî bûyer û pevçûnên li Idlibê ne.

Wek di van pevçûnan de jî derket holê dewleta herî ji van emelên desthilatdariya Erdogan acize Rûsya ye. Rûsya ji bo hebûna xwe li herêmê xurttir bike û di planên jinû-veavakirina herêmê de bibe xwedî gotin pe-yamek vekirî û bi bandor da Erdogan. Di heman demê de ev peyama di herêmê de hêza Rûsya ya siyasî û leşkerî jî radixe ber çavan. Her çîgas di vir de mijara gotinê pev-çûnên di navbera Rûsya û Tîrkiyeyê de bin jî li gor min Moskova bi van êrişan be xwe pe-yamek bide dewletên rojavayî jî. Ji ber ku hin dewletên mîna Amerîka, Almanya û Fransa di nav de naxwazîna Rûsya li herêmê bibe xwedî hêz û di herêmê de bibe xwedî bîyar. Lewma ji bo dewleta tîrk di vî rêyê de kêşeyan jî Rûsya re derbixe, her tim jî hêla van dewletên koalîsyonê ve hat piştigirî-kin. Lê di vir de ya şaş û ecêb ew bû ku Enqere tu carî nexwest vî listikê bibîne û xwe wek hêza siyaseta herêmê didit. Bawer dikim piştî rewşa li Idlibê qewimî û şûn ve kêm be jî wê ew kesên li Enqerê di qesra 1150 odayî de rûdînen bikaribin hin tiştan bibînin.

Di hefteya borî de ji bo pevçûnên li he-rêmê bi dawî bibin li Moskovê serokdewletê Rûsya Vladimir Vlademiroviç Pûtîn se-rokkomarê tîrk Erdogan qebûl kir. Ev hev-dîtîna ku di atmosfereke pir germ de pêk hat, ji gelek pîrsan re bû bersiv lê ger siya-seta dewleta tîrk a Idlibê neyê guhertin û rê-veberîya Erdogan di herêmê de nekeve nav hewldanên çêkerê de ev agirbesta ku bi niyeta baş pêk hatiye tîk bibe. Rûsya di halê heyî de niha li herêmê li gor peyman û sozên ha-tîne dayîn emelên dewleta tîrk dişopîne. Rûsya niha di kemînê de ye û li bendê ye ku tîrk sozên ku dane pêk neynin. Ger sozên dane pêk neyên, wê demê de dewletên roja-vayî nikaribin Erdogan û Tîrkiyeyê êrişê jî êrişên Rûsya ve biparîzin. Lewma di hevdi-tîna li Moskovê de Rûsya ve bombeyek xis-tiye paşîla Erdogan û niha derdê wî ew e ku xwe jî vî bombeyê xelas bike.

Bi kurtasî mirov dikare bêje dewleta tîrk li herêmê bû qurbanî nefsî xwe. Lewma li şûna ku dê di siyaseta jinûvavakirina herêmê de bibûya hêza sereke, bû hêza taşaron.

# Di Şerê Cîhanê yê Sêyemîn de qonaxeke nû

Mem Avba

Şerê cîhanê yê sêyemîn bi hemû lez û beza xwe didome. Bêguman zil-hêz, ango hêzên hegemonîk jî tê de hemû dewlet û hêz bi awayekî tevî vî şerî bûne. Lê belê navenda vî şerî jî weke gelek şer û qonaxên dîrok diyar kirî, dîsa Rojhilata Navîn e! Lewre li herêmê ewqas geşedan li ser hev diqewimin ku mirov nagihêje lez û beza wan.

Ji lez û bezê qesta me ew e ku serê her sedsalê carekê pergala dewletî şerêkî cîhanî yê parvekirin û rêkûpêk-kirinê dertîne û hindik maye ku qewlê Peymana Lozanê biqede. Çawa ku sedsala borî bi Sykes-Picot peymanê parvekirina Rojhilata Navîn pêk hat û li ser esasê wê peymanê şer, tifaq, lihev-kirin û dijminatî çêbûn; ne durrî aqilan e ku niha jî heman hêz bi heman awayî peymanek çêkiribin û dixwazin êdî bigihên encamê. Dibe ku em piştî sedsalî hûrgiliyên îro diqewimin, fêr bibin. Çimkî tiştêk di tariyê de namîne û teqez rojekê wê derkeve roniyê.

Gelek caran û gelek kesan nivîsiye, şîrove kiriye ku xisleta vî şerî û vî heyamê, dîsa taybetmendiya aliyan, ne weke yên beriya xwe ne; gelek navhevreyî, aloz, tevlihev û pîralî ye. Şerê cîhanê yê sêyemîn bi şerê Kendavê dest pê kiribe jî, bi destwerdana DYA'yê ya li Iraqê bi awayekî fermî dest pê kir. Piştî wê navbereke kêm ketibê jî, bi pêvajoya 'Bihara Gelan/Bihara Ereban' re ji nû ve dijwar bû û heta niha jî bi hemû şewatgeriya xwe ve didome. Weke me li jor destnîşan kirî xisleta vî şerî pir-reng e. Ango ne xwedî xisleteke 'reş-spi' ye. Di navberê de reng û dengên gewr jî hene. Bi gotineke din tifaq, lihev-kirin, enî û hevpeyman rojane tên guhertin. Şerê bûye şerê dîplomasi, enfomasyon-ragihandin, îstîxbarat û teknîkê. Cîhana du enî, niha bûye hezar enî û alî. Ango ka û ceh tevlihev bûye; kî dostê kî ye, kî dijminê kî ye, bi xetên stûr ne diyar e!

Di vî dorhêlê de li Rojhilata Navîn welatê ku rastî destwerdanê



nehatî, tê de şer û hilweşîn pêk nehatî hema bêje nema; ji bilî her du 'hegemonên herêmî' Tirkiye û Îranê! Her çiqas weke Iraq, Sûriye yan jî welatêkî dîtir destwerdana leşkerî li van welatan nehatibe kirin jî, li piştî perdê rastî gelek destwerdanên aborî, dîplomati, siyasî hwd hatine. Her çiqas ev her du welat birinên xwe nîşanê kesî nedin jî, gelek birinên wan ên xwînê jê tê û êdî nayên dermankirin hene. Xala hevpar a birîna van her du welatan jî 'pirsgirêka kurd' yanî birîna ji kurdan e!

Li aliyekî ambarogoya aborî, li aliyê din dorpêç û tecrida siyasî, ji aliyê dîtir nexweşiya Vîrusa Corona hema bêje ji her aliyê ve Îran aniyê ber hilweşînê. Jixwe li gorî angaşê û gotegotên li nepeniyên kolan û taxên civaka 'cîhana duyemîn' digerin, ev ne nexweşiyek e, destwerdaneke DYA'yê ya li dijî Çîn û Îranê ye! Bêguman rastiya vî çî ye û ne çî ye, em niha nizanin. Lê belê rastîyek heye ku ev her du 'zilhêzên herêmî' niha di rewşeke aloz û kaotîk de ne, nediyariyeye tarî li pêşiya wan e û destên kurdan gewriya wan dişidîne...

Heke em li geşedanên van demên dawî pêk hatî binêrin dê

rewş baştir bê fêmkirin. Şerêkî gelek zirav lê bêhempa di navbera DYA û Rûsyayê de pêk tê; lê yan bi wekaletî yan jî serxumandî ye. DYA ku hê jî sedema wê ya rastî tam nehatiye fêmkirin, ji nişka ve biryara vekîşîna ji Sûriyeyê da. Piştî wê Rûsyayê bi dewleta Sûriyeyê re li qadê înişiyatîf girt destê xwe û gelek pêş de çû.

Dewleta Tirk a ku dualî dilîze, dixwaze li dijî DYA'yê Rûsyayê, li dijî Rûsyayê DYA'yê bikar bîne, hat dawîya listika xwe. Lewre her du zilhêz jî di ferqa vî listoka Tirkiyeyê de bûn û jî ber xisleta şer a li qadê heta cihekî çavê xwe jê re digirtin. Lê 'reva pişikê heta kadînê ye' û niha pişik di kadînê de asê maye! Jixwe ev çend sal in ku dewleta Tirk geh bi çeteyan, geh bi penaberan, geh bi Rûsya û S-400'an gef li DYA û YE'yê dixwe. Qêre qêra serok-komarê Tirk bû, tilî li DYA û YE'ê dihejand. Lewre dijberî û nerazîbûneke zêde ya li dijî desthilatdariya Tirk çêbibû.

Rûsyayê, piştî li qadê destê xwe xurt kir, li dewleta Tirk vegerya û di şevêkê de bi sedan leşkerên wê kuştin. Bi wê nema; serok-komarê Tirk bi awayekî ku rezil û riswa bike li ber deriyê qesra xwe weke

parsekan rawestand û rûmeta wî kire pênc pere! Dîsa rayedarên Rûsyayê ragihandin ku pergala S-400 bi temamî nedane dewleta Tirk û di mijara Sûriye û çeteyan de dewleta Tirk sûcdar kir...

DYA, bi awayekî awarte bi El Qaîdeyê re rûnişt û peymanê ne-penî çêkirin û diyar dibe ku ev lihev-kirin li ser esasê dijberiya Rûsyayê pêk hatiye. Saziyeke DYA'yê ya xwedî bandor belav kir ku dibe li Tirkiyeyê careke din darbeya leşkerî çêbe. Li Tirkiyeyê jî pêşketina hinek bûyerên darazî û siyasî, dibêtiya vî angaşê piştrast dikan.

Li ser daxuyaniya serokkomarê Tirk, rayedarên DYA'yê dan zanin ku pergala Patriotê nedane dewleta Tirk û heta dev ji pergala S-400 bernede nadin jî. Bi van geşedanên re hevdem, beşeke ku ji nav AKP'ê veqetiyayî kete tevgerê û partiyên siyasî ava kirin û wisa diyar dibe ku hesabên ji bo pêşerojê hene.

Li aliyê din, bi awayekî ku rastiya wê hêj tam nehatiye fêmkirin, li Girava Îmraliyê şewateke derket û di carekê de berê gelê kurd û raya giştî ya Tirkiyeyê veguherî ser vî şewatê. Her çiqas şewateke weke ji rêzê bixuya jî guman û fikaran tîne

bîra mirov. Mînak çima di demeke wiha de rojeveke wiha hat çêkirin. Gelo ev şewat ji aliyê kî ve û bi çî hesabî hate derxistin. Şewateke ji rêzê ya ji cixare yan jî bêxemiya leşkerên Tirk bû, yan jî di rastiyê de dewleta Tirk peyam dida gelê kurd û Teverga Kurd?

An jî gelo ev şewat peyameke zilhêzan bû? Ango zilhêzan peyam dan dewleta Tirk û xwestin eyar bîdinê û binîn ser xet û daxwaza xwe, yan na dê 'di agirê kurdan de bişewitînin'? hwd gelek pîrs û 'gelo' tîne hiş mirov.

Dîsa piştî şewata li Giravê, di hevdîtina malbatan de rêberê PKK'ê Abdullah Ocalan bal dikêşe ser têkoşîn û xeta Rojavayê Kurdistanê û bi îsrar bal dikêşe ser 'lingê sêyemînê masê' ango bal dikêşe ser xeta sêyemîn û xurtkirina tevgera kurd. Gelo ev tîne çî wateyê? Cara yekem e Ocalan, bi êşkere bang li dewletê nake û bi giranî bang û xîtabê Teverga Kurd dike û qala xurtkirin û bilindkirina têkoşînê dike. Niha her kes çav li rê ye ka dê bersiva tevgera kurd û dewletê ya van derbirinan çî û çawa be! Bi kurt û kurmancî pêvajoyeke dijwar û bi nediyariyan dagirtî li pêşê ka dê biqulibe kîjan teşeyê!

## Li Idlibê amadekariyên şerêkî giran

Mihemed Seydî

Aloziya Sûriyeyê niha li Idlibê aliqiyê. Yê naxwazin aloziya li Sûriyeyê çareser bibe niha li Idlibê bi hemû hêza xwe di nav tevgerê de ne. Yê naxwazin şerê navxweyî bi dawî bibe, kuştin û wêrankirin biqedin, destêkê didin van komên El-Qaîde û Nûsrayê li Idlibê. Di destpêka sibatê de agahî hatin parvekirin ku 4 endamên payebillind ên îstîxbarata rûsî li derdora Idlibê hatine kuştin. Piştî wê rûs zêde aciz bûn û nema xwe li sozên dewleta tirk ên derxistina van komên radikal (Nûsra û Huras El-dîn) ragirt û bi hêz kete nav tevgerê. Heta rîya M5 kontrol kir û gelek dever xistin kontrola hêzên rêjîmê. Her wiha 8 xalên tirkî ku ji wan re digotin ên çavdêriyê hatin dorpêçkirin. Hin caran dibêjin ew ê feydeya van xalan çî be di nav hêzên rêjîmê de û

wê bi kêrî çî werin ev xal? Lê ya dixuyê ew e ku ne rêjîm ne jî Rûsya ji van xalan niha ne aciz in. Ji ber ku ev hêzên tirk ên li van xalan niha wekî dilên di destê Rûsya û Rêjîmê de. Ji ber wê ewqasî behsa, çima dewleta tirk xwe nakîşîne nayê kirin.

Erdogan ji bo hêzên rêjîmê heta dawîya sibatê muhlet dabû ku divê xwe bikişînin piştî xalên çavdêriyê yê leşkerên tirk ên ku bi hevpeymanê Soçî û Astanayê hatibûn diyarkirin. Lê sibat çû û adar gihişt nêvî û zimanê serokê tirk Erdogan di devê wî de ma û niha nema dikare qala van xalan jî bike. 5'ê adarê serokê Tirkiyeyê Erdogan û wezîr û kizîrên wî berê xwe dan Moskovê û li ber deriyê Pûtîn bûn. Li wir lîderê rûs Pûtîn jî bersiva qu-retiya Erdogan bi pêşwazîkirinê dayê.

Erdogan vegerya û weke ku li Moskovê bi ser ket, xwe da xuyaki-

rin. Lê ji Moskovê dimenên perîşaniya wî hatin weşandin.

Piştî wê berê xwe da Brukselê da ku karibe li hember Rûsya û rêjîmê berhemên şantajê xwe kom bike û alîkariyê ji wan werbigire. Lê destvala ji wir jî vegerya. Û careke din axivî û zimanê xwe ji bo rêjîm û Rûsyayê hinekî nerm kir. Û daxuyaniyeyeke bi vî awayî da; "Hêna axa ku ne di destê rêjîmê de ye heye, (Bakur û Rojhilata Sûriyeyê meqsed e) hûn çima li Idlibê tacizan li me dikin. Wir çareser bikin, Idlib hêsan e." Mirov vî daxuyaniyê dikare bi çend aliyan ve şîrove bike. Yek ji wan ew e ku ihtîmal e ku Erdogan bi Esed re li hev bike. Lê xeyalên Erdogan bi lihev-kirina bi Esed re naçin serî. Ji ber ku daxwaza lihev-kirinê zêdetir a Moskovê ye ne ya Erdogan.

Erdogan bi van daxuyaniyên xwe, careke din dixwaze ku rêjîmê û kurdan bîne beramberî hev û bi hev



bide şerkirin. Ji ber ew dizane ku hêza rêjîmê ya li çend eniyên şer bike tune, ew wiha plan dike ku ger rêjîm bi kurdan re şer bike ew ê hêzên xwe ji derdora Heleb û Idlibê bikişîne rojhilata Firatê. Ha wê demê ji bo Erdogan û deshilata wî û çeteyên HTŞ'ê dibe firsend ku karibin careke din Heleb û Hemayê jî

di nav de, gelek deveran bi hêsanî bixin bin kontrola xwe. Ji ber ku xewnên Erdogan ên girtina ji Heleb heta Kerkûkê hîna pêk nehatine. Ji bo wê jî niha li Idlibê ne ku şer rawestiyaye lê belê amadekariya şerêkî girantir him ji aliyê rêjîmê û him ji aliyê komên çete û dewleta tirk ve tê kirin.



# Birîna xedar; Helebçe

Yaşar Eroglu

Şerê di navbera Îran û Iraqê de gihiştibû merheleyekê. Îran bi ser diket, rewşa Iraqê xirab bû. Hingê giraniya şer li ser sînorê Îran û Iraqê yanî tam di dilê Kurdistanê de pêk dihat. Her du aliyên jî welatê kurdan kiribû qada şer. Ên ku dibûn mexdûrê şer kurd bûn. Îranê ji bo erdê wan dagir bike, Iraqê jî bi hinceta kurd nebin hevkarê Îranê li kurdan dixist.

Çawa ku Ehmedê Xanî di berhema xwe ya şahkar Mem û Zînê de sêsed sal berê dibêje, '...Her mîrekî wan bi bezle Hatem/ Her mîrekî wan bi remze Rustem/ Bif'kir, ji ereb heta gurcan ve/ Kurmancî ye bûye şubhê bircan/ Ev rom û ececi bi wan hesar in/ Her terefan qebîlê kurmanç/ Bi tîrê qeza kirine amanc/ Guya ku li serhedan kilîd in/ Her taife seddek in, sedid in/ Ev qulzumê rom û tacik/ Hindî ku bilivin xurûc û tehrîk/ Kurmancî-i dibin bi xwîn mullettex/ Wan jêkve dikin mîsalê berzex'. Weke ku di dîroka de jî dibûn hesarên şer, îro jî dibin qada şer. Bi deh hezaran kurd di komkujîya Enfalê de hatine qetilkirin. Heta kurd nebin xwedî statû, weke duh, îro û sibe jî wê ji bûna qada şer xilas nebin.

Çi bû sîrê û gunehê kurdan? Ji ber çi wê hovîtiya mezin hat serê wan? Di Rojhilata Navîn de çar dewletên mêtînger bi peymanî Qesr-î Şîrîn û Lozanê statuyekê paşverû damezirandine. Di nav sînorên van her çar dewletan de jî bi milyon kurd cih digirin û ji bo wê statuya paşverû kurd xetere tînin. Nijadperestî, statuparêzî û netewedewletbûna dewletên faris, ereb û tirkî rê dide komkujîyan ku gelê kurd rû bir û dimîne. Her dewletek kurdan ji bo xwe weke xetereyê mezin dibîne. Hebûna kurdan ji bo hebûna wan kelemekî tûj tê ditin. Her yek ji ya din re, ji bo qirkirina kurdan pêşwazî dike. Duh û îro komkujîyên Dêrsim, Zilan, Cizîr, Nîsêbîn, Helebçe, Enfal, Amûdê, Qamişlo, Efrîn, Mehabad, Sinê jî aliyê van dewletên xwînrîj ve pêk hatine. Dew-

letên emperyalist ên ku di erdnîgariya Rojhilata Navîn de hesab û berjewendiyên wan hene hevkarên van dewletan in û di van komkujîyan de tîlî û berpirsiyariya wan heye.

Bi rastî jî Saddam Huseyn li hember Îranê destek kirin, teşwîq kirin, sîleh û gaz danê, bédeng man. Kingê ku Saddam Huseyn li dijî wan derket, wêga komkujîya Helebçeyê bi bir anîn û Saddam pê darizandin. Yanî ji bo komkujîya kurdan na, ji bo berjewendiyên xwe derxistine rojeva cîhanê. Di vir de samîmiyeteke tune ye.

Polîtîka û hesabên wan ên li ser Rojhilata Navîn hene ku car heye Helebçeyê û serpêhatiyên kurdan li ser sivreya danên xwarinê radixin.

Di dused salên dawiyê de, kurd ji komkujîyan bêpar namînin. Lê belê komkujîya Geliyê Zilan, Dêrsim, Helebçe û Şengalê di bîra kurdan de werçerxanên reş in, tu car nayên jibîrkirin. Helebçe êş û birîneke kûr e

belê komkujîya Geliyê Zilan, Dêrsim, Helebçe û Şengalê di bîra kurdan de werçerxanên reş in, tu car nayên jibîrkirin. Helebçe êş û birîneke kûr e. Ji jenosîdên ango nijadkujîyên herî mezin ên cîhanê yek e. Mixabin Neteweyên Yekbûyî (NY) û dewletên serdest ên cîhanê berê jî wê jenosîdê re çavên xwe girtin lê belê paşê mecbûr man li gorî hiqûqa navteweyî jî weke jenosîd-nijadkujî qebûl kirin. Helebçe ne tenê ji bo kurdan, ji bo hemû cîhanê jî nijadkujîyê herî mezin e. Ne ji samîmiyeta xwe, polîtîkayên demî wisa hewce dikir. Em ji ku derê dizanin? Em ji wê rastiyê dibînin ku Efrîn ew qas nebe jî bi komkujîyê xedar re rû bi rû ma, hemû ev dewletên navborî û NY ker û lal man. Polîtîkayên wan ên demî îro wisa hewce dikin. Dibe ku siberoj berjewendiyên wan biguherin wêga helwesteke din nîşan bidin.

Îro qetlîam û komkujî tu car şemîka kurdan dîr nîn in. Ji Geliyê Zilan, Dêrsim û Helebçeyê vir ve tenê dem guheriyê lê feraseta dewletên xwînrêj belkî dirûv diguherîne lê kakilê wê naguhere. Ew tenê hêz û serweriya xwe ya nijadperest difikirin. Qirkirina kurdan ji bo wan tiştê jî rêzê ye. Ew tenê desthilatdariya xwe dixwazin, kurdan an jî bindestan nafikirin.

Efrîn, Serêkaniyê, Şengal, Grêspî, Kerkûk hê dîrokên taze ne û li ber çavên wê dinyaya ku Neteweyên Yekbûyî û dewletên Rojava yên serwerê polîtîkayên cîhanê û hemû dewletên desthilatdar ên cîhanê ev komkujî qewimîn lê gotineke wan li dijî van hovîtiyan nebû.

Em ê bi dengê bilind bêjin, bila Helebçeyên din nebin, bila gelê kurd û cîhan bi aştîyê bixemilê lê rastiya me ne ew e, aştî û aramiyê jî bo gelê kurd layîq nabînin. Li her parçeyên Kurdistanê dewletên dagirker û nijadperest ji rijandina xwîne re amade ne. Naxwazin kurd bibin xwedî hêz û statû. Kurdan wek kelemên li dijî serdestî û desthilatdariya xwe dibînin. Heta ev feraset û hevkarîya dewletên li pişt wan disekinin ne guherin xetereya komkujî û qetlîamên li ser kurdan ji ber şemîka kurdan kêman nabin.

Divê li dijî van polîtîkayên tûnekirî kurd bibin yek, kurd bibin hêz, li her qadên têkoşinê zane bin, bibin pisporên karen xwe, tifaqên berfirek pêk bînin. Ji bo defdana wê xetereyê ev yek xalên bingehî in.

Sala 88'an adarê bihar gihiştibû çiya û deştên Helebçeyê. Pez û dewarê Helebçeyê li dor çem û mîrgan belav bûbû. Ligel şer, sîk û kolanên Helebçeyê diçilvîlîn. Helebçeyê weke her bajarên kurdan xwe ji bo Newrozê amade dikir. Bêhna biharê mirov sermest dikirin û Newroz li ber şemîka wan bû. Bûk û zavayan roj dabûne cejna Newrozê ku sersalê dewata xwe bikin. Lê balafirên Saddam mirin barandin ser bajarê Helebçeyê. Bêhna biharê çû, bêhna sêvan bi hilma wan. Sîk û kolanên Helebçeyê bi kuştina bédeng û bêxwîn tije bûn. Jiyan li Helebçeyê biriya, mirin û bédengî hat. Xeml û destmala bûk zava li erdê ma. Dergûş û dayik bi hev re ketin ser xaka sar. Erê Helebçe kuştin, nehiştin bigihîje Newrozê. Helebçe kuştin, bêwext bû, Newroz bû li pêş wan bû. Helebçe birîneke qalîknegirtî ye, tu car nayê jibîrkirin.

36 sal berê Helebçe wiha derkete rojeva cîhanê. Mixabin îro jî kurd dîsa di nav van dimênên hov re derbas dibin. Di salvegera sala 36'an de em komkujîya Helebçeyê şermezar dikin, şehîdên Helebçeyê di serî de, em mexdûr û şehîdên komkujîyên kurdan û yên cîhanê tev bi birînin.



## Hê xwîn ji vê birîne tê

Harûn Evîndar

Bi qasî xak û dîrokeke bi berhem ewqasî jî bi êş û kul e Kurdistan. Bi qasî gelê leheng û mîrsas e, ewqasî bi birîn û keder e. Çiqasî jina kurd xweragir û qudret e, ewqasî li ser sînga wê ji sîngî û mîxên xayîn û nemerdan tije birîn, hesret û keser e. Em xwedî dîrokeke qedîm û heqîqetê wisan in, hema bêje tu rojek nîne ku xwedî wate, pîrozî û bi êş û jan nebe.

Ji bo wê ye ku dijîminê gelê kurd ê xwînwar tim jî bo xwîna kurdan bimijê û xwe li ser bide jiyîn bi devxwîn û çavsorî êrîş dike, qetil dike û tune dike. Em weke her salê îsal jî ber bi wê rojê tînin... Ew roj 16'ê Adara 1988'an Helebçe ango bi navê xwe yê din 'Enfal' e. Enfal dîrokeke ku tu carî wê neyê jibîrkirin û tim birînek be li ser bedena dayika Kurdistanê ye. Dibêjin birîna ku nekuje qehîm dike, ez jî li ser wê gotinê dixwazim hinek wê birîne vekim û li gorî rewşa heyî bikevim nav mijarê.

Êrîşa yekem a kîmyewî ya Balîsan: Rejîma Baasê cara yekem di 16'ê Nîsana 1987'an de li hemberî Geliyê Balîsayê çekên kîmyewî bi kar anî. Li gorî texmînan 64-142 kes hatin kuştin. Piştî bi sedan kes hatin girtin ku agahiya tu kesê jî wê bûyerê pêk neyê. Di Êrîşa Sergelî û Bergeliyê de jî 25 û 30 gund bûn hedefa artêşê. Li gorî çavkaniyên Yekitiya Niştîmanî ya Kurdistan (YNK) di wê êrîşê de dorpêçê de jî 200 heta 250 pêşmerge û gundî hatin qetilkirin.

Êrîşa 2'yem a kîmyewî ya Şanexşê: Rejîma Baasê li dijî pêşmergeyên YNK'ê yên li gundê Şanexşê kom bûbûn, çekên kîmyewî bi kar anîn. Pîranî pêşmerge 28 kes hatin qetilkirin û 300 kes jî birîndar bûn.

Êrîşa 3'yem a herî xedar Helebçe: Piştî dorpêça li Sergelî-Bergeliyê û şûnde bi piştgiriya pêşmergeyên YNK'ê leşkerên Îranê ketin bajarokê Helebçeyê. Di 16'ê Adarê de artêşa Iraqê bi hewan û topan êrîş bir ser bajarokê Seid Sadîk ê dikeve bakurê Helebçeyê. Ev operasyon bi navê 'Enfal'ê ku weke xenîmetê şerê artêşê tê pênasekirin hat kirin. Di wê operasyona de ku heta 17'ê Adarê dom kir bi dehan bombeyên gaza xerdel û fosforê hatin bikaranîn. Di wê êrîşê de zêdetirî 5 hezar kes hatin qetilkirin û 9 hezar kes jî birîndar bûn.

Êrîşa 4'emîn a kîmyewî ya Karadagê: Rejîma Baasê gund dabûn ber topan û ji topên ku li avahiyan diketin bêhneke 'sêvê' belavî derdorê dibû. Li gorî hejmarên zelal derdora 78-87 kes hatin qetilkirin.

Êrîşa 5'emîn a kîmyewî ya gundê Ekser: Di 3'yê Gulanê de gundê Ekser

bû hedef û li gund gûyek spî û bêhneke pûnkê belav bû. Lê li gorî agahiya kesê bi navê Enwer Rîza Omer 25 pêşmerge şehîd bûn, 5 jî birîndar bûn.

Her çendî ku bi awayekî fermî Enfal di sala 1986'an de pêk hatibe jî lê li başûrê Kurdistanê pêvajoya qirkirina kurdan sala 1983'an bi qetilkirina mîrên Barzanî ve dest pê kiriyê. Zêdetirî 8 hezar mîrên Barzanî ku temenê wan li ser 10 saliyê re heman rojê jî malên wan hatin derxistin û çolistanên başûrê Iraqê pîranî bi saxî hatin binaxkirin û qetilkirin. Di navbera sala 1986-1989'an de pîranî kurd 185 hezar Kurdistanî bi çekên kîmyewî hatin qetilkirin. Her wiha 4 hezar û 665 gund ji van 4 hezar di Êrîşa qirkirina Enfalê de hatin xerakirin, hezar û 800 dibistan, 300 nexweşxane, 3 hezar mizgeft û 27 dêr hatin hilweşandin, ji sedî 90'ê gundên kurdan bi erdê re kirin yek.

Nabe ku li vir bendekê jî bo jenosîda Şengalê venekim û derbas bibim. Piştî Helebçeyê, yek ji komkujîyên herî mezin ên li dijî kurdan a 3'yê Tebaxa 2014'an li Şengal li dijî civaka êzîdî pêk hatiyê. Ev komkujî jî bi qasî Enfalê bi êş û xedar bû. Dema mirov li bîlançoya wê dinêre, wê ji bo wê jî pênaseya 'Enfal'ê ne kêman be. Nêzî 400 hezar kes ji gund û bajarên xwe koçber bûn. 6 hezar û 450 jin, zarok, keç û beşek zîlam dîl ketin destê DAİŞ'ê. Li gorî hatî tespîtîkirin heta niha jî 6 hezar û 450 kes 3 hezar û 370 kes ji destê DAİŞ'ê hatiyê rizgarkirin. Zêdetirî 3 hezar kes aqûbeta wan hê jî ne diyar e. Hezar û 500 kes ên li dijî DAİŞ'ê li ber xwe dan şehîd bûn. 280 kes dema ku ji ber êrîşên DAİŞ'ê reviyên, di rêyên çiyê de ji tîhn-berçûbûn û nexweşiyê jiyana xwe ji dest dan.

Demî mirov li van bûyeran dinêre, dibîne ku çiqasî jî jê bîderman e. Ev yek tenê li beşeke pêk hatiyê. Li bakurê Kurdistanê Geliyê Zilan, Geliyê Tiyarê, Dêrsim, Gimjim... her wiha di dîroka nêz de, jêzeminên Cizîr û Silopiyayê hê zindî ne. Dîsa li Rojava di nav 9 salên dawî de li Kobanî, Cizîr, Efrînê jin û zarok jî di nav de bi sedhezaran kes hatin qetilkirin û ji cih û warên xwe bûn.

Divê gelê kurd dîroka xwe bîzayîne. Heta yekitiyek nebe û hevgerîneke di nav mala kurdî de nebe, wê hê zêdetir komkujî û qirkirin werin serê me kurdan. Ji bo wê, divê demek berî demekê ev birîn bikewin û hew xwîn ji wan biherike û em bikaribin yekitiya neteweyî û kongreya neteweyî pêk bînin. Em hêvî dikin ku yekitiya nav mal kurdî pêk bê. Na ev yek nebe, dê birîn kûrtir bibe. Ev jî ne qedera me kurdan e...





# Antrparantez

Pêşar Bextewer

Wendoxê erjaye yê rîpelê kirmanckî yê Xwebûnî merheba. Goreyê mi ra, nuştene seba ma mesuliyet o. Aye ra gama ke nê rojnameyî ra embazan mi reyde têkilî rona û waşt ke ez ge-ge binusa, mi dest de qebul kerd. La seke mi inan ra zî va hetanî ke îmkân bibo û wext estbo ez wazena aşme ra reyê nê goşeyî binusa. Eke şîma pers bikê û vajê "Baş o, ma ti do tede çi binusî?" Ez eşkena cewabê şîma wina bida: Çiyê/qewimiyayîşê ke kurdan, bi taybetî kirmancan ra eleqeder ê, (sey tarîx, cuye, huner, muzîk, sî-nema, folklor, akademî, ûsn. la bê sî-yasetî) inan mîyan ra çiyê ke kewênê çîmanê/kewtî çîmanê mi ver ser o vîndera. Destpêkê nuştayê xo hîna vêşî derg nêkera û derbazê babetanê xo biba.

## Keko, Kormişkan û Ne Fîl o Ne gergedan o...

Ma Başûrî teber a biverdê, bêstatuyîya kurdan ra girêdayê yew kêmaneya ma zî arşiv ê. Oxro ke arşivî xafizaya yew netewe ya. Heyf ke merdim eşkeno vajo xafizaya neteweya kurdan zî natemam a. Sey nimûneyî ma qalê kovar û rojnameyanê kurdan yê ke seserra 20. de ameyê vetene bikê. Çend kovar û rojnameyî estê ke yan temamê inan yan zî çend hûmarê inan nêresayê ma dest. Eke arşivê ma estbîyêne wina bîyêne? Helbet ke nê-bîyêne.

Mi cor ra wina dest bi babeta xoya yewine kerd çünke wa o hûreyin na game vîndero, di çekuyê verênî yê ke sernuşteyî de ca girewtê, nameyê di kovaranê kurdan ê. Û eke ez şaş nêba nê di kovarî hetanî ewro nêamebîyî vî-nayene. Ez bi xo nê kovaran ra reya verêne bi sayeyê kitabê Li Kurdistanê Bakur û Li Türkiye Rojnamegeriya Kurdî (1908-1992) yê Malmîsanîj û Mahmûd Lewendîyî hayîdar bibîya. Nê kitabî de sey gelek kovaran û rojnameyan derheqê nê kovaran de zî tayê melumatî ameyêne dayene. La mi ê qet nêdîbî. Çend rojî verî Swîs ra wayîr û îdarekarê [www.arsivakurd.com](http://www.arsivakurd.com) birêz Rifat Sefalîyî mi gêra û mizgîniya vînayîşê xo yê nê kovaran daye mi. Dima mi rê her di zî bi şeklo dijîtal erşawîf. No mîyan de bê ke xo vîr ra bika ez vaja: Deme-yêkê nêzdî de ê do eynî keyepelî ra bêre weşanayene û bi no hewa kesê ke biwazê inan biwanê do bieşkê uca ra biwanê û bîyarê war. Baş o ke merdim heqî wayîrê/anê heqî rê teslim bikero. Rast a zî xizmetê

arşivakurd.comî zaf erjaye yo. Bi sayeyê nê organizasyonî kurdî her cayê dinya ra eşkenê xo biresnê bi hezaran çimeyan û periyodikan. Ez nameyê xo ser o vana wa keyeyê Rifat Sefalîyî û embazanê ey awan bo.

Helbet ez pê na xebere keyfweş bîya. Çünke seke mi cor ra zî vatbî ê hetanî ewro nêamebîyî dîyayene no yew. O dîyin zî herçiqas bi tirkî ve-jîyê zî seba ke hetê ciwananê wendekaran yê kurdan yê ê demî ra ameyê weşanayene, tede ekonomî ra hetanî sosyolojî zaf hetan ra atmosferê ê serran yeno fehmkerdene û xususan zî fealiyet, fikirîyayîş û tenaquizanê tebaqaya roşnîranê kurdan yê (kirmancan û kirmancan] sewregîjan yê serranê 1960î ser o zanayîşan danê ma, ehemîyetê nê kovaran esto.

Taybetîya inan a hempare na ya: Her di zî hetê wendekaranê unîversî-

teyan yê sewregîjan ra, Anqara de û serranê 1960î de ameyê weşanayene. Her di kovarî zî bi tirkî weşanîyayê. Kekoyî de zaf-zaf tay metnê kurdî (kurmancî û qismen kirmancî) zî ca gênê. Bêguman merdim ke şertanê ê serran bîyaro xo vîrî fehm bikero ke ê wextan tena çend çekuyanê kurdî nuştene bile zehmet bîyo û hetê tesîrî ra zî sey çiyêko mucîzewî asayo.

Kovara Keko serra 1963yî de Kormişkan zî serra 1965î de ameyê weşanayene. Ma bêre çekuya hîreyinê ya sernuşteyê mi yanî **Ne Fîl o Ne gergedan o...** ser. Rîpelê 13. yê kovara Kekoyî de bi sernuşteyê Fikralar (Fîqreyî) di fîqreyê bê nameyî ca gênê. Her di zî hetê Abbas İzolî ra û bi tirkî nusîyayê, la ê dîyîni de bi hawayo qîsmî bo zî bi kirmancî zî nusîyayo. Ez eynî sey şeklê orijîni neqlê cêrî kena:

*İki Siverekli çarşıda gezerlerken bir sebzeçi dükkamı önünde durmuşlar.*

*Çok büyük bir patlıcanı göstererek birbirlerine sormuşlar:*

*No çiyê? (Bu nedir).*

*Biri demiş!*

*— La no filo (bu fildir).*

*Diğeri ise:*

*- Nila gergedano (yok gergedandır) demiş.*

*Filo, gergedano diye aralarında münakaşa çıkmış. Meseleyi halletmek için muhtara gitmişler. Muhtar gelmiş bakmış ve demiş ki:*

*No ne filo, ne gergedano, gılgıl verdo bipey merdo.*

*(Bu ne fildir ne gergedan, darı yemiş ve onunla ölmüş).*



İki Siverekli çarşıda gezerlerken bir sebzeçi dükkamı önünde durmuşlar. Çok büyük bir patlıcanı göstererek birbirlerine sormuşlar.  
— No çiyê? (Bu nedir).  
Biri demiş!  
— La no filo (bu fildir).  
Diğeri ise:  
— Nila gergedano (yok gergedandır) demiş.  
Filo, gergedano diye aralarında münakaşa çıkmış. Meseleyi halletmek için muhtara gitmişler. Muhtar gelmiş bakmış ve demiş ki:  
No ne filo, ne gergedano, gılgıl verdo bipey merdo.  
(Bu ne fildir ne gergedan, darı yemiş ve onunla ölmüş).

Abbas İZOLİ  
İhtisatî ve Tîyatî Filmler  
Akademîsî

Seke şîma zî zanê na meselaya kilme mîyanê kirmancan de zaf namdar a û çend varyantê aye estê. La çiyê muhîm no yo ke reya verêne na kovare de nusîyaya. Eke ma na mesela ya ke metnêkê tirkî mîyan de vî-yarena û tena şeş cumleyan teşkîl bena sey metnêkê kirmancî bihesibnê ma eşkenê vajê ke rojnameyê Roja Neweyî ke eynî serre (1963) ve-jîyo ra pey çimeyo dîyîno ke tede bi kirmancî nusîyayo kovara Keko yo.

**Herr Greve Kirmanckî Museno** Şîma surete Martîn Greveyî nê rîpelî ra vînenê. O bi xo yew alman o. Herr zî seke şîma zî zanê al-mankî de yeno manaya begî û al-manî gama ke yewî rê bivajê Beg peynameyê ey xebitnenê. Sernuşte bi xo semedê babeta mi bîyayena ey dîyar keno. Ya, şîma rast fehm

kerd. O yew alman o û kirmancî museno. Martîn her hewte roja şe-meyî Mutlu Canî ra bi dursa tay-bete û rî bi rî dursa kirmancî gêno. Ez şîma nêzana la mi rê no tercihê ey balkêş ame. Martîn seba ke kirmancî bimuso lebate keno, bi hawayo îstîqrar dersan gêno, waneno û xebitîno. Bi mi no waştîş û seba nê waştîşî lebitîyayena ey biqîymet o. Xora coka mi waşt ke ez qalê ey bika. Şîma zî ey ra hayîdar bibê. Ha, naye zî vaja: Martîn seba dersanê taybetan yê kirmancî ucuro saata ne zî dano...

Êdî her çi googleyî ser ra yeno musayene. Bêguman şîma ra kes ke meraq biko eşkeno bîyografîya ey biwano, derheqê ey de hîna zêde agahîya bigîro. Aye ra tîya de ez derheqê Martîn Greve de nînan vaja bes o. Martîn Greve akademîsyen o, etnomuzikolog o. Yewendes serrî yo ke Tirkîya (İstanbul) de ciwî-yeno. No mabên de tirkîya ey zî qet fena nîya. O, folklorê Dêrsimî yê fekkî reyde xususan zî kilamanê/deyîran û sanikanê Dêrsimî reyde eleqedar o. Hetta ey demêke nêzdî de kitabê Dêrsim Masalları [Sanikê Dêrsimî] yê Caner Canerîkî tirkî ra açarnayo al-




Martin Greve

mankî ser.

Mi va Martîn kirmancî museno la destpêkê kirmancî musayîşê ey bi nê dersanê taybetan yê ke Canî ra gêno ra ver o. Goreyê îfadeyê ey Martîn Greve, reya verêne Berlîn de seba ke bieşko embazanê xo yê gimgimîjan û dêrsimîjan reyde bi zîwanê inan qîsey bikero dest bi musayîşê kirmancî kerdo.

Axir ez se vaja? Yew beyaxkî (xerîb) hem zî seba ke embazanê xo yê kirmancan reyde bi zîwanê inan qîsey bikero dest bi musayîşê kirmancî bikero. Bi serran ra nata musayîşê xo bidomno, çend rey beşdarê kursan bibo, xo bi xo bixebitîyo... Nika zî semedo ke xo hîna aver bero, pere bido û dersanê taybetan bigîro. Ma, şarê ma? Şarê ma zî kirmancîya xo ra fek veradayo, seke çiyêko normal bo bi tirkî ciwîyeno, muteberê ma nakaratê UNESCOyî tekrar kenê. Tayê hunermendê ma zî seba ke "kirmancî/zayayî vateyanê kilaman/deyîranê kirmancîyan fehm bikere" klîbanê xo bi cêrnusanê tirkîyan vîrazenê... Xulasa ez vana to rê helal bo Martîn beg û Danke schön! Xeyalê mi no yo ke kirmancê ke sayeyê nê goşeyî de to ra hayîdar bîyî wa rojê raştê yew nuştayê to yê kirmancî yan zî deyîrêka kirmancîya ke bi destê to nusîyaya bêre.



## Pêşnîyazname: Kovara Zîryabî rê

Ez vana qey şîma kovara Zîryabî ra hayîdar ê. Zîryab serê 2018î ra nata sey kovara muzikî weşan keno. Kovare çar aşman ra reyê vejîna. Hewceyîya kovarêka winasîye esbî, aye ra ez vana wa dest û payê ê kesan yê ke na xebate kene weş bê. Kovare de kirmancî zî ca vînena, no zî çiyêko baş o helbet. Hêvî kena ke weşanê ey bi serran dewam bikero.

Peşnîyaza mina yewine do kadroyê Zîryabî rê bera. Ez vana mîyanê inan ra keso/a ke Gomidas' (Vartabed) nas nêkero/a çin bo/ba. Hikayeya nê etnomuzikolog û arêdayoxê namdarî ya trajîke tîya de babeta mi nîya. La seke yeno zanayîş Gomidas Vartabed (Soğomon Soğomonyan) tena seba armenîyan ney, tarîxê folklorîstî û xususan tarîxê arêdayoxîya muzikê anonîmî yê tir-

kan û kurdan zî ehemîyetêko pîl îfade keno. Ey, kîştâ deyîranê armenîkî û tirkî de epey deyîrê/kilamê kurdî zî arêdayê. Sey yew nimûneyî: Gomidasî, deyîrê ke Arekerdeyanê Sarkîs Haygunî yê bi nameyê Destanê Armenîyan û kurdan de ca girewtê transkrîbe kerdê. No kitabo broşur reya verêne 1903 de Moskova'da bi nameyê "Melodiyê Kurdan" ameyo weşanayene. Deyîrê nê çimeyî "aredayeyê kurdî yê tewr rêni ke ameyê notakerdîş" yenê qebulkerdene. Bi mi ganî kurdî bieşkê derheqê Gomidasî de hîna zaf agahîyan kovara Zîryabî ra biwanê. Hem Gomidas hem qedîrsî-kurdan de yê verê seserre rîpelanê Zîryabî de ci ra qalbîyayîşî zaf-zaf heq keno.



KANUNA PAŞIN-2020 | HEJMAR: 1

## E-kovara Kubarî rê

Çi weş ke êdî kovara moda ya kurdî zî esta. Bravo vetoxan rê! Ya, ez behsê e-kovara Kubarî kena. (Kesê ke wazenê biwanê rê: [kubarkovar.wordpress.com](http://kubarkovar.wordpress.com)) Ez parçeyanê bînan nêzana la seke xeberê ke derheqê aye de amade bîye de zî vîyareno "Kubar kovara moda ya tewr verên a ke hetê kurdan ra û bi kurdî yena vetene. La Kubar seranser bi kirmancî ya. Ganî tede tay bo zî cayê kirmancî estbo, no yew. O dîyin zî no yo:

Ma zanê ke çi Tirkîya çi Ewropa de stîlîstê (modelîstê) kurdî yê serkewteyî estê. Ganî Kubar înan reyde roportajan bikero û xêzanê inan bi kurdan bido şînasnayîş. Ha, no mîyan de mi va xêzanê inan ame mi vîr (ez tîya huyaya) Edîtorê Kubarî ganî naye ser o zî vînderê; Raşt, na neweşîya îşlîgan, çaketan, pantoran û qatîlxanê xêzeyinan (çîzgîliyan) xora dayena camêrdanê kurdan do se biba?

MİŶO

Heyra tu çima ewqasî serê xwe hişk dikî, biçê ba şêx Miheme bera çareyekê ji êşa serê te re bibîne...



Ez ji ber êşa serê xwe û taswasa tirsê nikarim bi şev razê. Diya zarokan dibêje here ba şêx, tu çi dibêjt?



Dev jê berde were em destek okey lêxin wê serê te rihet bibe.

Kuro netirse, ma diya zarokan ji ku dizane bi erebî bêje ez çûme ba Şêx ev ji min re nivîsiye...



Xuya ye nivîšta şêx li te hat, waye îro tu nakî nalenal...

# Ka binêrin bê kî dîn e?

Simaîlê dîn, li binxetê dî-nekî bi nav û deng bû, ew bi xwe ji bajarê Amûdê bû. Karê wî li gundên di navbera Qamişlo û Amûdê de digeriya û her carê tiştek difiro. Mesela wî ji firotina tiştan bêtir mijûlkirin bû. Carnan rojekê du rojan bi mêvandarî li malekê dima.

Dema ew dihat gundê me li mala pîra Hilwa dima. Kurekî pîra Hilwa hebû gelekî bela xwe di Simaîlê dîn dida. Rojekê Smaîl gelekî jê aciz bû û ji Hilwa re got: Keçê Hilwa niha ev kurê te Şêxmûso bi sorka ketibû? Hilwa got erê. Smaîl got: Ma bi mîrkotan jî ketibo? Hilwa dîsa got erê. Smaîl got: Ma şêxmûso bi xuriyê jî ketibû? Dîsa Hilwa got erê. Simaîlo got: Keçê Hilwa ma îca ez ê çi nifirê li Şêxmûso bikim, bi xwedê ez çi bêjim vala ye

madem ewqas nexweşî nikaribûn bi Şêxmûso êdî ez çi bêjim vala ye.

Smaîlo li gundan digeriya şekir, nok û benîşt difirotin hem bi pera û hem jî bi hêkan tiştên xwe difirotin. Carekê selka di destê wî de

tijî hêk bûbûn. Mirovek hat û bazara hêkan pê re kir.

Xalê Smaîl tu heba hêkan bi çi difiroşt?

**Simaîl:** Her hêkek bi çar firingan e.

**Mêrik:** Xalê Simaîl, tu

her hêkek bi 3 firingan bidî min ez ê tevan li ser hev bikirim.


**Simaîl:** Bi xeyd lê ve-gerand û got: Kuro lawo ma tu dînê heke ez hêkên xwe tevan bifiroşim te, êdî ez ê ticareta çi bikim û ez ê çawa ji xwe re li gundên din bigirim.

Careke din jî Simaîlê dîn kerê biribû qiraxa çemê Amûdê ji bo biçêre. Çend ciwan jî li wê derê rûniştibûn xwarin dixwarin, meya xwe vedixwarin û kêfa xwe ya hatina biharê dikirin. Yekî ji wan ciwanan bang li Simaîlê dîn kir û got: Xalê Smaîl wer ba me tu jî bi me re qedehekê vexwe. Smaîlê dîn ji ciwanan re got: Kuro lawo hûn vedixwin ji bo hûn bibin wek min ma ez vexwim ez ê bibim weke kê.

**Dildarê Amedê**



## XACEPIRS



### JI ÇEPÊ BER BI RASTÊ

1. Beşa di navbera serî û sînga mirov de. 2. Xwişka mezin. 3. Beramberî hev kirin, rûbirû. 4. Alavekî cotkariyê ye, didin ser stûyê ga û pê cot tê kirin. 5. Bi şûn de hatin. 9. Bi zaravayê kirdkî/dimilî 'were'. 11. Ajalekî/e dirinde û hov. 12. Zerezawateke ku koka wê tê xwarin û tehma wê şîrîn e. 13. Xebat, îş. 15. Wek, nola. 18. Dîn, bawerî. 19. Kesê hêmin, sekan, îqna. 20. Roja beriya duh. 21. Şikilê ku ber, firehî û bilindahiya wî heye.

### JI JOR BER BI JÊR

1. Gotin, galegal, axaftin. 3. Xwarineke ku mêş çêdikin. 6. Heb, lib. 7. Cihê ku mirov, makîne û sewal tê de diçin û tên. 8. Gotina ne rast, derew. 10. Pêşgira lêkerçêker. 11. Di navbera du çiyayan de rêya teng û dirêj. 14. Cînavka kesê/a sêyem ê/a yekjimar. 15. Ajalekî/e xîjok û dirinde ye û lingên wî/ê nîn in. 16. Serçavê mirov. 17. Wesleyê ji qolincê heta dest, mil. 18. Dengê ku li mirov vedigere. 20. Ling, wesleyê ku candar pê dimeşin. 21. Hestiyê serî. 23. Dindar, kesê/a bawermend. 25. Tevahiya bedenê.

### Bersiva hefteya borî



## Ronahiya Rojê



Berfin Dijle

## Keçelê guriyê gemarî

Hebe nebe, dilê wî heye navenda çandina por, li Amedê veke!

Meriv nizane; kî aboriya xwe bi çi awayî bi dest dixîne û reklama karê xwe yê nû jî bi çi awayî dike!

Her ku destên wî ji kar kiribûn, çavê xwe li karekî nû yê domdar digeland. Reben ez im, xaniyê wî jî bi kirê bû. Hibir li pênûsê çikandibû; lê dîsa ji kiribû nekiribû kuleka wî, dû negirtibû...

Kes naxwîne xwedê jê razî, kes naxwîne! Her kes dinivîsîne. West namîne ji xwendinê re. Tu nîrxek bi xwendin û nivîsê ve nehiştine. Ê dixwînin ya bêkar in ya jî ên qevd bi girêdan in

Ne bi tirkî ne jî bi kurdî, êdî nivîsên kesî bi pere nakin. Ji bilî nivîsên melayê cîranê me yê xerzî.

Melayê cîranê me nivîstvan e. Ji bo dildaran nivîstan çêdike. Jin û mîrên cihê li hev tîne. Ên li cem hev jî diqetîne. Ê wî êdî ne pênûs e, şûr e. Derd û xeman ji kokê da dibirine. Û perê ku ji nivîstan bi dest dixwe, xwediyê pirtûka xelata wêjeya nobelê jî bi dest naxîne.

Wan rojan, dinya bi berf û şepe bû. Li ser nivîsê; piştê wî xûz, çokên wî ragirtibûn. Nikaribû jî ber tîfkê rabe here ser sefikê. Porê wî dirêj û gur lê bi dahfên spî bû. Xwe dabû ser qenepa ber şibakê û kûr û dûr ponijbû:

"Çi bikim çi nekim, ez ê çawa ji bin barê van deyn û xercan derkevim?"

Ji mêj ve gotibû: "Qinyata min, bi kaxiz û nivîstan nayê, ev yek. A dîn jî; qe-dera, xweda li jor nekiribe, bi kaxiz û nivîstên şêx û melan naçe serî!

Êdî nabe, kumikek spî bide serê xwe û li ber misfehekê jî rûnê. Ji xwe ew ê gulîşkên porê wî di bin kumik de daketina ser cênikên wî. Û heye; wan jinên jî nivîstan bawer dikin, qîma xwe bi porê wî binin, lê bi nivîstên wî neynin jî.

Roj bi ser rojan, hej li bin bajarên û vî-rusa koronayê jî rişk û spiyan bigire heta bi gur û roviyan jî ket, lê hê hefteyek bi ser neket, yekî di rengûrûyê Jul Birayn de û dîsa wekî wî wêrek, navê wî da û lê kir rexneyek!

Xwedê da porgulîşkê me û di bin rexneyên wî de nema, şev û rojek. Bi sê çar peyvyan keysê lê anî û jê re got: "Keçelê guriyê gemarî!" Bi kevnêbiwêjek.

De keçel, ne yek in ne dudo ne. Not û neh (,) nehsed û not û neh jî sedî, (Ji ber gulîşkên porê wî, hejmar nagîje sedî) nake têrî vegotina hejmara keçelên vî welatî. Hin irsî hin jî ji ber kul û xemên dinyeyî!

Lehiya kul û xeman, li kevjîka dilê gelê me rabûye. Hêvî, li ser baskên qaqlî-bazên peravên behra dil bin jî; porê şirtîni û lawazokî, li serê xwediyê xwe nesekinî!

Piştî rexne û bersivan, niha hemû keçel telefonî navendên çanda poran dikin. Ji bo nekevin devê porgulîşkên ku; xwedê bişirinek şîrîn ji para wan nexistiye û heye ku porê wan jî bûbin kewara rişk û spiyan.

Heke; te, navenda çanda por venekiribe an nebûbî şîrikê wan; de ka çima dev davêjî keçel û guriyan?

Ne, kalê min jî keçel bû. Di qileqija çilê havîna navîn de jî; tu car kum û şewqe ji sere wî kêr nedibû. Şîrikên xwêdanê di bin kum de davêtin rûyê wî. Heke sax bûna, ew ê bigotina: Selîmo lawo! Qey tu birekor î? Çawa, halê keçelan bîr nabî? Bi Şêx Hadîkê Melekê Tawis kim, tu jî destê min xelas nabî!



# Ziman û ruhê wergerê

Aryan Med

Wergera ji zimanekî bo zimanekî din, yek ji rêbazên danûstandinê yê di navbera çand, huner, wêje û zanistê de ye. Dikarin bêjin ku werger, ji destpêka bikaranîna nivîsê heta roja me ya îro, parçeyekî girîng e şaristaniyê ye.

Tabletên Sumeran wek wergera destpêkê tînan binavkirin û bi rêya wergera ji zimanê sumerî em zanariyên pir girîng bi dest dixin. Pirtûkên olî bi rêya wergerê di nav gelan de belav bûne.

Di serdema me de ku teknolojiya pir li pêş e, bêyî ku li çapxaneyan bê çapkirin, bi rêya internetê tavilê zimanek li zimanekî din tê wergerandin û ew berhem tê belavkirin. Ev jî dike ku her kes dikaribe xwe bigihîne zanariyên bi zimanekî din.

Werger, ji bo zimanên di bin nîrê mêtîgeriyê de tînan asîmîlekirin pir girîng e. Ji ber ku deriyê zanariyê li van zimanan bi kotekî hatiye girtin, ji berhemên cihanê jî bêpar mane û ji neçarî fêrî zimanên serdestan bûne. Zimanê kurdî jî yek ji van zimanan e ku sedan sal in ji aliyê desthilatên ereb, fîris û tirk ve tê asîmîlekirin. Ji lewra rol û rîsta wergerê bo pêşketin û berdewamiya hebûna zimanê kurdî hêmaneke diyarker e.

Li Wêjehê Amedê ya destpêka sibata 2020'an, bi armanca birêvebirina kar û barên çand û wêjeya duzimanî (kurdî-tirkî) hat vekirin, di çarçoveya rêzeçalakiyên navendê de, bi sernavê 'Ruhê Wergerê' bi pêşkêşîya nivîskar û wergêr Dila-

wer Zeraq, guftûgo hat kirin.

Zeraq tînkildarî kartêkerî û girîngiya wergera kurdî gotarek pêşkêş kir. Li gorî wî, ji bo wergerê duzimanî bi serê xwe têr nake. Her wiha tîne ziman ku wate û fêmkirina wergerê cihê xwe baş negirtiye û dibêje: "Em radibin li ser vê zanînê hewl didin ku metnekê çî edebî, çî zanistî binîn ser zimanekî din. Her kesên du milên wan hene dikarin kema bêjin? Na!"

Zeraq der barê destpêkirina duzimanîya kurdan û wergera kurdî de jî zanariyên balkêş parve dike. Di gotarê de diyar dike ku duzimanîya kurdan bi îslamiyetê dest pê dike û medrese ne bi destê kurdan, bi destê ereban hatine avakirin.

Bi taybetî di serdema xelîfeyê îslamê Hz. Omer de bi armanca perwerdeya bi erebî du tiştên sereke tînan kirin: 1. Avakirina medreseyan, 2. Qedexkirina ayetên quranê. Bi van pêngavên girîng, erebî li kurdan tê ferzkirin.

Zeraq, destnîşan dike ku lêkolîner dibêjin ku di medreseyan de metnên erebî li kurdî hatine wergerandin û wergera kurdî ya ji zimanekî din dikeve jiyana kurdan û wiha tîne ziman: "Ji wê çaxê ve ye em bi wergerê dijîn. Ruhê me werger e. Derbek li ziman û ruhê me ye esasî, ruhê me ye binelî, xwemalî ketiye. Heta wê çaxê bi kurdî çî çêbûbe, em hîn jî wan bi kar tînin."

Bi dîtina Zeraq heta Melayê Cizîrî tu kes li hember ruhê wergeriyê serî ranake û dibêje ku Cizîrî dixwaze vê yekê berevajî bike. Cizîrî wek serhildêrekî li hember zimanên serdest bi nav dike û tîne ziman ku Cizîrî, bi nivîsandina bi kurdî li dijî



erebî û fîrisî û her wiha desthilatiya Osmaniyan derdikeve.

Zeraq amaje pê dike ku tu nivîsên kurdî yê heta niha hatine nivîsîn ji sedî sed ne kurdî ne û sedema vê jî wiha rave dike: "Me agahiyên xwe yê derheqê edebiyat, zanîn, teknik û teoriyê de ji zimanekî din hildane. Em van agahiyan pêşî di hişê xwe de werdigerînin zimanê xwe û di heman demê de werdigerînin ser ruhê xwe. Agahiyên zanariyê, zanistî, teoriya sosyolojiyê, felsefeyê, psikolojiyê di ruhê zimanê min de tune ne. Ji xeynê dermanên kurmancî tu agahiyên tîbê, teknolojiyê di destê me de tune ne. Sedema vêya politikaya yekgahîkirina serdestan a bi zimanên xwe ye."

Nivîskar Zeraq wergerê wek xweheyîkirin û dandiyarkirina kurdan bi nav dike. Her hiwa dibêje ku kurd bi piranî agahiyên xwe ji zi-

manê tirkî werdigirin û li gorî wî ev kuştina ziman û ruhê kurdî ye. Ziman ku heger haya kurdan ji kuştina ruhê wan hebe, du rê li ber wan hene; an ew ê wî ruhê ku hatiye kuştin bihêlin bila mirar bibe û ew ê li xwe neban bibin, çand û zimanê wan bibê tiştêkî fantastîk, fantazmeke genî; an jî ew ê li xwe wergerin hevdû hişyar bikin da ku belkî werin ser hişê xwe.

Zeraq pîrsa gelo em ê çawa dikarin fikreke felsefîk, analîzeke polîtîk, dîtineke psîkanalîtîk bi vî zimanî biafirînin dike û wiha bersivê dide: "Divê em wergerînin da ku li hember serdestan rabûneke antîkolonyal pêk bînin. Em polîtîkasyon, sosyolîzasyon û danûstandina mirovane ku tê de ruhê min di hewê, bi kurdî ava bikin ku ev rabûn û pêkanîna antîkolonyal in."

Zeraq diyar dike ku lêvegerî-

neke bi hişmendî û li ser zimanê xwe pêwîst e ku ev jî durehî, melezî ye û mînakê 3 qonaxên Hegel ên di vê derbarê de tîne ziman: "Kesê/a dixwaze li xwe vegere, divê tehma lixwenebanbûnê (biyanbûn) jî bijî. Hegel li ser lixwevegerîna û nebanbûnê 3 qonaxan diyar dike: 1. Kesek pêşî hay ji nebanbûna ruhê xwe dibê; 2. Piştê ku xwe aciz dibê û hewl dide vegere ser ruhê xwe yê esasî (praksîs)."

Herî dawî Zeraq destnîşan dike ku hebûna ziman û ruhê kurdî girêdayî vegera li xwe ye û kurd anax bi vî awayî dikarin praksîsa xwe pêk bînin. Her wiha diyar dike ku divê heta ji kurdan tê bi kurdî bixwînin, bixavînin û êdî dem hatiye ku kurd Sokratesî û lînguîstîka Chomsky dikarin bi kurdî jî bixwînin.

## Adaptasyona Geziyê

Bêsiûdiya herî mezin a 13'êmin Bîenala Stenbolê (*Dayê ma ez hov im?*) ya ku di navbera 14'ê Îlonê-20'ê Kewçêra sala 2013'an de, bi kuratoriya Fulya Erdemciyê pêk hatibû, *Berxwedana Geziyê* bû, çî ku berxwedanê, ne bi tenê nexşerêya Erdemciyê, di heman demê de deprojeyên gelek hunermendên ku ji welatên derke bo bîenalê hatibûne vexwendin, bi carekê re nebe jî, peyapeya veguherandibû. 13'êmin Bîenala Stenbolê, weke adaptasyoneke pêwîst a ji rewşeke neasayî —û nepayîn—zayî, bi dû qirçeqirça havîneke çalak derketibû pêşberî xwazgîniyên xwe. Digel ku bîenal (li gorî ku Erdemciyê di kataloga bîenalê de dîvedirêj digot)<sup>1</sup>, berî Geziyê hatibû vesazkirin jî, kar û bar û projeyên ku hikariyê ji sîrûsa (îlhama) estetîka 'berxwedêr' a Geziyê girtî, tev li bîenalê bûbûn. Bo mînak; pişekar û hunermendê tîgêhî yê alman *Christoph Schöfer* yek ji wan hunermendan bû yek ku berhema xwe li ser Geziyê afirandibû (*Park Fiction is Now Gezi Park Hamburg, June 16, 2013*). Referansên berhema Jirî Kovandaku yek ji pêşewayên hunera tîgêhî (*conceptual art*) a Çekî bû, di ser berxwedana Geziyê bû. Her weha, hunermendê wek *Maya Ersan & Jaimie Robson* jî, qala gotina serokwezîrê wê hingê dikir ê ku ji bo berxwedêran gotibû, "Oyuna gelme!", li ser vê yekê *Maya Ersan & Jaimie Robson* navê berhema xwe berevajî vê gotinê danibûn û hezkiriyên hunerê keremî listîkê (dek û dolaban) kiribûn.

## Nasnav di Geziyê de

Divê vebijîm wekî xwendinê



## Weswese 2

Şener Ozmen

## Dayê ma ez hov bûm?

kuratora bîenalê yê di derbarê çalakîyên Geziyê de, siyaseteke ku xwe derî nasnavê dida der, destnîşan dikirin, pê re jî bir û boçûnên ramanwerê fransî *Jacques Rancière*, yek li ser kêş û vekêşên nasnavên wek "nengengazî" û "di navberê de mayî" dixebitî. Bi hizra Erdemciyê û gelekên ku wekî wê difikirin, bi berxwedana Geziyê re, qadeke azadiyê vebûbû ku bi dû xwe re çalakîyê afirîner û forumên gelemperî jî anibûn. Yekem car, piştî forumê li Parka Cihangîrê, em ji bo *Medenî Yildirim* ku li Licê hatibû kuştin, bi kevnêkuratorên bîenalê û hunermendên tirk re mil bi mil meşiyabûn, ev çalakî di henga meşê de jî bi min xerîb hatibû, ez bi şik bûm, nediket bin kûmê min wekî yê di milê min de dilhebin bin ku hingê ez jî vexwendiyê bîenala navborî bûm.

Derûdorên hunerî —xasma jî yê li Ewropayê— wekî dibêjin ketibûn etriya Konstantînapolis piştî Geziyê. Bîenal Gezi bixwe bû, pêk hatibû jixwe! Her

çendî ku Erdemci jî nav cihana hunerê, dengên qewîn yê weke *Agnieszka Polska*, *Annika Eriksson*, *Héctor Zamora*, *Hito Steyerl*, *Santiago Sierrayí* vexwendî bîenala xwe kiribe jî, manifestoya sîtûasyonîst a hunera hevçax di qadên pevçûn û berxwedanê yê bajêr de, jixweber hatibû belavkirin ku di çand û hunera îroyîn de kêş û vekêşên sereke jî, jixweberî û fetîsîna wê ya di nav dam û dezgehên finansê û sektorê de bû.

## Ber bi Civaka Pêşandeyê ve

Bêguman, Gezi ne rapêrîneke hunerî bû, ne jî çandeyî û weke ku *Duna Maver* jî di nivîsa xwe ya bi sernavê 'Avangarda Terorê' de (*The Avant-Garde Of Terror*) behs ji vê

yekê dikir, endîşeya 'Civaka Pêşandeyê' (*La Societe du Spectacle*) ya *Guy Debord*, dî bi terore ya ku *Robespierre* di henga *Şoreşa Fransî* de destnîşan kiribû, rabûya. *Robespierre* yek ku gotibû: "Ji bo rizgarkirin û avakirina demokrasiyê û ji bo pêkanîna desthilata zagonên maqeqanû-

niyê ya mişt aramî, teror pêdiviyek e." Disan, her çendî ku cihêbûna *Sîtûasyonîzma Enternasyonal* —ku wek SE tîte zanîn— ya di sala 1972'yan de pêkhatî, fena tîkçûyîna milîtanîya polîtîk û arezûya tûndre (radîkal) hatibe bi lîv kirin jî, SE avangarta dawîn bû. Badilhewa nîn bû wekî peyva avangartê (*avant-garde*), ji ferhenga leşkeriyê hatibû girtin. Lêbelê, wekî ku di *Berxwedana Geziyê* de jî derketibû mexderê; di nav kom û komikên hunerê —û helbestê de— etiketên weke *medyaya taktîkê*, *gerilayê* / *a ragîbandinê*, *zorana çandeyî* û *terorîzma estetîk* di devan de bûbû benîşt.

## Çi bi arezûya manifestolêkirinê hat?

Bi min, tiştê jidestçûyî, ne bi tenê arezûya manifestolêkirinê bû, arezû bixwe çûbû, weke ku *Guy Debord* jî digot, civak —li vir a Geziyê— di ser vegeriya kodên xwe yê berin. Dikarin bibêjin wekî hunera îroyîn, her bi çî rengî û bi çî awayî bê kirin jî, xwe di ser aboriyê dijarezûyê dide der û digere, bêyî ku rêka xwe bi heqîqetê ve jî bixe.

## Û 'Hîtoya me'...

Di 13'êmin Bîenala Stenbolê de, belê, berhemek hebû ku ji hemû berhemên di wê pêşengehê de cî-

girtî, balkêştir û dilşewattir bû, ya Hîto Steyerla ku wek nivîskar û derhênerê dokumentarîst ranêzîkî jîyanê û diyardeyan dibû dihat penasekirin. Hîto, di çarçoveya bîenalê de, videoya xwe ya ku li pey şopa hevala xwe *Andrea Wolf* û heval û hogirên wê yê şer van) ketibû ya ku di şer û pevçûnekê de (li Wanê) jiyana xwe ji dest dabû, nîşan dabû. Axir, heya bi wir jî çûbû Hîto, di wê serdana xwe ya mêtîyî de rastî qewanekî fişekan hatibû, ku ji wî qewanî, bo mînak heya bi *General Dynamics* a ku çek û posat çêdikirin û dezgeheke hunerî ya bi navê *Art Institute of Chicago* ku danûstandinek di navbera wan de pêk hatibû, rob bi ro rê birribû. Pîrsa Hîtoyê ev bû: "Gelo di navbera piştîgîrên Bîenala Stenbolê û aboriya ku çek û posat çêdikirin de hêzeke veşarî ya danûstandinê hebû yan na? Aya mirov dişiya wekî li ser tîkîlyê amêrkîrî (instrumentalîse) ya di navbera huner û çekê de peyda bûbû, bifikire?" (Ji Rêbera Bîenalê)

Ne dîr e wekî hunermendên me jî hogirî vê amêrkîrinê bibin, ya ku hemû karesatên kurdan di ser 'navneteweyîbûnê' re û bi piştîgiriya dam û dezgehên hunerê yê kûreyî, bixîna mazatê, çî ku huner, ne qadeke paqij e.

<sup>1</sup>*Dayê ma ez hov im? Bnr. Rêbera 13. Bîenala Stenbolê, ya ku bi piştîgiriya tîkariya Weqfa Çand û Hunerê Ya Stenbolê, Weşanê Yapi Krediye û Weqfa Vehbi Koç derketî. Edîtor: Liq Erçevik Amado, Stenbol, 2013.*






# Ji Hz. Nûh heta Mehmet Tûnç; Cizîr<sup>2</sup>

Keştiya Alalû

Agît Yazar



Gera min a li nav Cizîrê berdewam e. Bi ku de diçim, ew sewta ku xwediyê wê xwe şanî min nade di guhê min de dizinge. Ez di dilê xwe de ji rêberê xwe dipirsim: berê me li ku derê ye? Di şûna bersivdayîne de, vê helbestê di guhê min de dikurtipistîne:

*Sebahul xeyr xana min,  
şehî şîrîn zebana min  
Tu yî ruh û rewana min  
bibit qurban te canê min  
Te-alellah çi zatî tu, çi-wî şîrîn  
sifatî tu  
Ne wek qend û nebatî tu, yeqîn ruh  
û heyatî tu  
Heyat û rehetâ can im, sebahul  
xeyr ya xanim  
Were bînahiya çavan, bibînim bejn  
û balayê  
Sebahul xeyrî mesta min, letîfa can  
bi desta min  
Xumar û meyperesta min, tu yî  
meqşûd û qesta min...*

Ji xwendina vê helbestê ez tê derdixim, berê me li Medresa Sor e; ango em mewanê Melayê Cizîrî ne. Gava ez dikevim hewşa Medresa Sor, pêla hîbehîba dengê li ser çavê min dixîne; mîna qoroyeke mezin bi hev re bilorîne û helbestên eşqê bixwîne, aha sewteke wanî bû. Ez wer hest dikim ku yê wê qoroyê jî bi rê ve dibe, Melayê Cizîrî bi xwe ye. Êdî ez jî nizamim ka gelo ez di xewneke kûr de me, yaxud hest li min tîr bûne. Axir ez gera xwe dikudînim û li ber menzelên Medresa Sor digirim. Hin ji wan menzelan, cihê şagirtan in. Paşê ez derbasî xelwexaneyê dibim; cihê alim lê digihêjin nîrwanayê û giyanê xwe tev li giyanê yezdan dike. Bi rêzdarî ez jî çongên xwe di bin xwe de ditewînim, pelikê çavê xwe berdidim li ser hev û dixwazim bidim li ser riyê nediya. Lê rêberê min ji qazîka xwe dikuxwîne, da ku min hişyar bike.

Çaxa ez ji xewltxaneyê derdikevim hewşa medresê, ez û kalemêrek em sîngasîng tîn hemberî hev. Lêvên kalemêr, navberê dide xwendina gotinên pîroz û bi dengê mîna pişo nerm, bi silavdayîneke rûken min disilavîne. Ez jî bi hemû dilnizmiya xwe, xwe ji kalemêrê dilpak re ditewînim û derbasî ser tîrba Melayê Cizîrî dibim. Bedena min li hember tîrba Melayê Cizîrî, di tertîbata leşkerekî ji fermandarê xwe re rêzgirtî, rawestiyabû. Ne bi zimanê xwe, min bi bedena xwe ji Mela re dia dikir. Tiştêkî ecêb bû! Tîrba Mela jî ji guhê min re qeside digot:

*Ez gula baxê îremê Bohtan im*

*Şebçiraxê şebê Kurdistan im  
Çi tebiyetbeşer û însan im  
Lilahi li-hemd çi alişan im  
Li riya yar li riya san im  
Lew di iqlimê sultan xaqan im*

**Mûcîdê kurd: Îsmailê Cizîrî**

Ez ji ser tîrba Melayê Cizîrî derbasî ser tîrba Ebul-Îz El-Cezerî, navê xwe yê din Îsmailê Cizîrî dibim. Dengê pêjnekê li pişt min tê. Nizamim pêjna kê ye. Qet ez nafitilim û li pişt xwe jî nanêrim. Çend caran ez li dora tîrba El-Cezerî digirim. Pirtûka birêz Abdullah Yaşin a ku li ser vî mûcîdê kurd nivîsandiye di destê min de ye. Ez pelê pirtûkê diqulupînim. Li notên xwe yê li jêra rûpelan dinêrim. Ne carekê, hezaran carî ez ji vî mûcîdê kurd re heyran dimînim. Aqilê meriv hîlnagire. Çawa çêdibe ku heysesal beriya niha, bêyî, batarya, elektrîk û mazotê bi dehan aletên mekanîk çêkirine û ew dane xebitandin. Tenê bi dehdana bayê, bi herikandina avê û bi hêza keldixanê ew aletên robotîk dane şuxulandin.

Ev mûcîdê kurd ê bi navê Ebul-Îz El-Cezerî, beriya gelek mûcîdên dinyayê yê bi nav û deng wekî Leonardo Da Vinci, Thomas Edison û Nikolay Telsa temelê robot, kompîtir, nîfeyên bi şîfre, saetên otomatîk, pompayên avkêş û pêlîstokên zarokan ên jixweber dimeşyan çêkirine. Her yek ji wan jî xêzandiye. Her wiha El-Cezerî di der heqê robot û çêkirina wan alavan de kitîb jî nivîsandiye. Wer tê famkirin ku ewan mûcîdên navdar ên min ew li jor bi lêv kirine, gelekî sûd ji El-Cezerî wergirtine.

Hêjayî gotinê ye ku hinek ji wan îcadên El-Cezerî hîn jî tîn bikaranîn. Yek jê saeta kevîrî a bi rojê dixebite ku ev saet li hewşa Mizgefta Mezin a Amedê ye. Ya din jî hewza avê ya li Medresa Qasimiyê ye ku ew hewza bi sêwirandîneke çawa zarok dikeve rehma diya xwe, heta ji diya xwe dibe dikeve mahtîkê û ji wir jî zarokatiya xwe dijî dibe ciwan û ji ciwantiyê derbasî kalbûnê dibe, merhele bi merhele sêwirandiye û çêkiriye. Hîn jî ew hewza avê wekî roja xwe ya ewil bê qusûr dixebite. Bi heman sêwirandinê, hewzek li kela Herranê jî hatiye çêkirin. Bi ihtîmaleke mezin ew hewza li kela Herranê jî, ji hêla mûcîdê kurd Îsmail El-Cezerî, ango Îsmailê Cizîrî ve hatiye çêkirin.

**Cizîr û mîr**

Niha jî berê min li Birca Belek e. Her ku ez nêzikî qesir û qonaxên Mîrên Cizîra Botan dibim, kelecana li min zêde dibe. Ez çemê Dicleyê didim çepê xwe û di ber Birca Belek re derbas dibim. Bi qasî qadeke fitbolê, valahiyek di navbera kelê û çem de heye. Pêjnek ji pişt min tê û bi dengêkî mîna pişo nerm di guhê min



de dipistpiste: "Ma pêwîst dike ez ji te re bibêjim ev der, rezê Mîran, cihê hevdişîna Mem û Zînê bû!"

Di deriyê Şêr re dikevim hundurê kelê. Li rast û çepê min avahiyeke rêveberiyê hene. Ne îşê heneka ye, nêzî pênc sed salî, ji sala 1270'î heta sala 1850 Mîrên Cizîra Botan, welatê xwe li vê derê bi rê ve birine.

Ez di pêpelokên avahiyeke du qat re radipelikim, derdikevin serê banî. Dilê min, nola çoyê defê li sînga min dixîne. Ez nizamim ez li dora xwe dizivîrim, yaxud Cizîr li dora min dizivire. Cizîr li dora min dibe nola gerînekekê, dibe nola Bîra Qederê a ku Mîr Celadet Elî Bedirxan têwerbûbû!...

Hemû lehengên di destana Mem û Zînê de, yek bi yek di bîra min de vedijîn. Her yekê ji wan li gorî rîsta xwe li dereke qesir û qonaxê Mîrê Cizîra Botan bi cih dikim. Mîr Ezdîn, Tajdîn, Hesoyê, Çeko, Sitê, Beko, Mem, Zînê û yê din.

Her wekî tê zanîn piştî 250 salan di ser eşqa Mem û Zînê re derbas dibe, feylozofê kurd Ehmedê Xanî ji Bazîdê tê Cizîrê û dest bi nivîsandinê destana Mem û Zînê dike.

Xwe bi xwe ez ji xwe re dibêjim: Ev 330 sal berê feylozofê kurd Ehmedê Xanî jî nola ez a niha çer dikim, ew jî hatibû Cizîrê û wanî li van deran lêkolîn kiriye. Ger ez li xwe mikur werim: ev muqayesekirin, hesteke şîrgermî dadiwerivîne kûrahiya dil û hinavê min. Lê tavilê ez li xwe hay dibim. Mîna min bêrêziyek kiribe, ez li xwe hiltêm û di dilê xwe de ez bi xwe re dixeyidim: De hela here lo, kundur! Tu kî yî, feylozof Ehmedê Xanî kî ye!

Ez bi van hestên tîr û tevlihev li wan deran digirim. Diçim li ber devê deriyê avahiyeke disekinim. Deriyê

wê kilîtîrî ye. Ew dengê ji ewila ewil de rêbertiyê ji min re dike, dîsa di guhê min de dikurtipiste: Ev avahî, zindana Mem lê hatibû zindankirin ew zindan bi xwe ye!

Ji min we ye kevîrên wan diwaran tevdek bi birîn in. Loma ji mîna meriv destê xwe bi birîna birîndarekî xedar bike, wanî bi hîmetî ez wan diwaran dipelînim. Paşê ez diçim ji gulfiroşekî çar ta qurneflî distînim û berê xwe didim ser tîrba Mem û Zînê.

**Mem, Kurdistan Zîn û kurd**

Li ber serê tîrba Mem û Zînê radiwestim. Bedena min li wir e lê giyanê min li Bazîdê li huzûra feylozofê mezin Ehmedê Xanî ye. Tu çendîn mezin û bilind î Ehmedê Xanî! Ew çi qelem e, ew çi derya ye ku wexta te navê Mem jê dot, welatê me Kurdistan a mêtînger di asoya me de hate neqîşandin; ew çi qelem e, ew çi derya ye ku wexta te navê Zînê jê dot, mîletê me kurdên bindest di asoya me de hate neqîşandin. Tu çendîn mezin î, tu çendîn bilind î, ew qelama te çendîn derya ye, ey seydayê min ê gewre feylozofê kurd Ehmedê Xanî!

Ez her çar ta qurneflî, her yekê li ser navê beşek welatê xwe yê di cenga berxwedana rizgariya xwe de ne, datînim ser tîrba Mem û Zînê û xatîrê xwe ji wan dixwazim.

Di jiyana mirov de yekcaran tiştên wer diqewimin, meriv gewdeyê xwe ji bîr dike; tenê meriv bi hebûna xwe ya ramanî dikane hebe. Tiştê li nav kolanên Cizîrê hatiye serê min jî, ev tişt bi xwe ye: ez tenê bi wê cîhana ku Ehmedê Xanî di asoya min de ve-jandiye dijîm.

Ez dixwazim biçim wê dera ku Mehmet Tûnç û hevalên xwe bi mehan li ber xwe dabûn bibînim. Hîn jî ew sewta Mehmet Tûnç di mejiyê

min de deng vedide. Mem digot: "Heta em Zîna xwe rizgar nekin, jiyana li me heram e! Di oxira Zînê de em werin kuştin jî, em ê çongan netewînim!"

Xwedêyo ev çi edalet e! Dema ev hevok tê bîra min, yekoderb tiştêkî di pîstika mejiyê min de birq vedide. Bi girgincik ber bi tîrba Hz. Nûh ve dimeşim. Du heb kalemêr li ber tîrba Hz. Nûh dibînim. Yek ji wan ew kalemêrê li Medresa Sor bû. Dîsa ew lêvên wî mîna lêvên kîvroşkê wexta diçêre, wanî gotinên pîroz di nav devê xwe de dicûtin. Min jî çend gotin di nav devê xwe de cûtin. Lê gotinên min ji diayan wêdetir hesabpîrsînek bû, bibîrxistînek bû: Ey Hz. Nûh! Ma qey ew soza yezdan dabû te, wî ew soza xwe ji bîr kiriye? Qaşo ew ê yezdan careke din tofan ranekira û wî yê kesên bêguneh bi yê gunehkar re ceza nekira! Ka, wî yê tenê kesên xurufî, zalim û yê jirêderketî ceza bikira!..

Carcaran ez gewdeyê xwe yê ku li ramana min bûye bar, li kolanên Cizîrê jî bîr dikim. Çaxa pê dihesim, ez li gewdeyê xwe yê jibîrkirî vedigerim û nola sakoyekî pertolpertolî li giyana xwe ya xencerkerî dipêçim.

Êdî wextê te ez ji Cizîrê veqetîm. Hatina min jî û veqetandina min jî a vî bajarî, hestên tîr û tevlihev li min rakiribû. Dîsa dengê li ber guhê min dikeve. Nola wî dengê ewilî. Ew dengê ku rêberî ji min re kiribû. Ev sewta dihat guhê min, sewta oxirkirinê bû. Digot: oxir be mamo! Ez dixwazim hîn bibim ka ev deng, dengê kê ye. Difitilim li pişt xwe dinêrim, ez tu kesî nabînim.

Li Cizîrê dengê heye, lê tu kes tune ye. Dengêkî 'Bêkes'!

